

গদ্যাবতী নাটক


মাইকেল মধুসূদন দত্ত

[১৮৬০ খ্রীষ্টাব্দে প্রথম প্রকাশিত]

সম্পাদক :

শ্রীব্রজেন্দ্রনাথ বন্দ্যোপাধ্যায়

শ্রীসজনীকান্ত দাস



বঙ্গীয়-সাহিত্য-পরিষৎ

২৪৩১, আপার সারকুলার রোড

কলিকাতা

প্রকাশক
শ্রীরামকমল সিংহ
বঙ্গীয়-সাহিত্য-পরিষৎ

প্রথম সংস্করণ—বৈশাখ, ১৩৪৮

দ্বিতীয় সংস্করণ—মাঘ, ১৩৫০

মূল্য বারো আনা

মুদ্রাকর—শ্রীসৌরীন্দ্রনাথ দাস
শনিরঞ্জন প্রেস, ২৫১২ মোহনবাগান রো, কলিকাতা

৪—১১২১২৪৪

ভূমিকা

মধুসূদনের প্রথম বাংলা গ্রন্থ ‘শশিষ্ঠা নাটক’। ইহার পরেই তিনি দুইখানি প্রহসন রচনা করিয়াছিলেন। ইতিমধ্যে বেলগাছিয়া নাট্যাশালায় যতীন্দ্রমোহন ঠাকুরের সহিত বাংলায় অমিত্রচ্ছন্দ-সম্পর্কে তিনি বাজি রাখিয়াছিলেন। ‘পদ্মাবতী নাটকে’ তিনি সর্বপ্রথম এই ছন্দের প্রবর্তন করেন। এই একটিমাত্র কারণে ‘পদ্মাবতী নাটক’ চিরস্মরণীয় হইয়া থাকিবে। এই প্রসঙ্গে রামগতি স্মায়রত্ন তাঁহার ‘বাঙ্গালাভাষা ও বাঙ্গালাসাহিত্যবিষয়ক প্রস্তাবে’ (১৮৭৩) লিখিয়াছিলেন—

...এই নাটকের মধ্যে অনেকগুলি উৎকৃষ্ট গীত দৃষ্ট হইল। পভগুলি নূতনপ্রকার— অর্থাৎ অমিত্রাক্ষরচ্ছন্দে রচিত। বাঙ্গালা পয়ারের প্রতি-অঙ্কের শেষ অক্ষরে মিল থাকে, এইরূপ উহাকে মিত্রাক্ষরচ্ছন্দ বলা যায়—অমিত্রাক্ষরে সেরূপ মিল নাই। এই ছন্দ ইঙ্গরেজির মিণ্টন প্রভৃতির গ্রন্থে বহুসমাদৃত, বাঙ্গালার কেহই এ পর্যন্ত উহার অমুকরণ করেন নাই—মাইকেলই উহার সৃষ্টিকর্তা বা প্রবর্তিতা, এবং পদ্মাবতী নাটকই উহার প্রথম প্রয়োগস্থল।—পৃ. ২৬৫

গ্রীক ধর্মপুরাণের সহিত সম্পর্কযুক্ত—এ কথা মানিয়াও স্মায়রত্ন মহাশয় এই নাটকটিকে “কবির স্বকপোলকল্পিত” বলিয়াছেন। কিন্তু ‘জীবন-চরিত’-প্রণেতা যোগীন্দ্রনাথ বসু দেখাইয়াছেন (৪র্থ সংস্করণ, পৃ. ২৪৮-৫১), ইহা গ্রীক পুরাণের ছায়াপাতে রচিত হইয়াছে। তিনি লিখিয়াছেন—

...Discordia অথবা কলহদেবী, অস্ত্রাস্ত্র দেবীগণের মধ্যে বিবাদ উৎপাদন করিবার জন্ত, একটা সুবর্ণময় “আপল্” (apple) নির্মাণ পূর্বক, তাহাতে ইহা “সর্বোত্তম সুন্দরী জন্ত” এইরূপ লিখিয়া, তাঁহাদিগের মধ্যে নিক্ষেপ করেন। জুপিটারের (Jupiter) পত্নী জুনো (Juno), জ্ঞান ও বিজ্ঞার অধিষ্ঠাত্রী দেবী প্যালাস (Pallas) এবং সৌন্দর্য ও প্রেমের অধিষ্ঠাত্রী দেবী ভিনস্ (Venus), প্রত্যেকেই আপনাকে সর্বোৎকৃষ্ট সুন্দরী হিঁর করিয়া, তাহা প্রাপ্ত হইবার জন্ত একান্ত উৎসুক হন। তাঁহারা, ট্রয়-রাজপুত্র পারিসকে (Paris) আপনাদিগের মধ্যস্থ হিঁর করিয়া, প্রত্যেকেই তাঁহাকে, আপন আপন কার্যোদ্ভারের জন্ত, পুরস্কার প্রদানে স্বীকৃত হন। জুনো তাঁহাকে সাম্রাজ্য, প্যালাস্ তাঁহাকে সংগ্রামে বিজয়লক্ষী, এবং ভিনস্ তাঁহাকে সর্বোত্তম সুন্দরী প্রদান করিতে প্রতিজ্ঞতা হন। পারিস সর্বোৎকৃষ্ট সুন্দরী বোধে ভিনসকেই সুবর্ণ আপল্

প্রদান করেন। অপরা দেবীঘর, ইহাতে ঈর্ষার ও অভিন্নানে, পারিসের সর্বনাশের জন্য প্রতিজ্ঞাবদ্ধ হন। ইহাই মূর্খপ্রিয় ঈর্ষনগর ধ্বংসের কারণ। মধুসূদন, এই গ্রীক উপাখ্যান অবলম্বন করিয়া, তাঁহার পদ্মাবতী রচনা করিয়াছিলেন। গ্রীক কবির জ্ঞান তিনিও তাঁহার গ্রন্থ দেব ও মানব অভিনেতার কাব্যে পূর্ণ করিয়াছেন। গ্রীক কাব্যেও যেমন, পদ্মাবতীতেও তেমনই, মানব অভিনেতাগণ দেব-অভিনেতাগণের হস্তে ক্রীড়াপুস্তকের জ্ঞান পরিচালিত হইয়াছেন। পদ্মাবতী নাটকের শচী, রতিদেবী, নারদ, রাজা ইন্দ্রনীল, এবং রাজকুমারী পদ্মাবতী, যথাক্রমে, গ্রীক পুরাণের জুনো, ডিনস্, ডিস্কবুডিয়া, পারিস এবং হেলেনের আদর্শে কল্পিত হইয়াছেন। পার্থক্যের মধ্যে এই যে, গ্রীক কাব্যের জ্ঞান ও বিজ্ঞার অধিষ্ঠাত্রী দেবী প্যালাসের পরিবর্তে মধুসূদন পদ্মাবতী নাটকে বক্ষরাজমহিষী মুরঙ্গা দেবীর অবতারণা করিয়াছেন। জ্ঞান ও বিজ্ঞার অধিষ্ঠাত্রী দেবীকে সামাজ্য সৌন্দর্য্যভিমানিনী রমণীর জ্ঞান বিবাদপরায়ণা না করিয়া মধুসূদন গ্রীক কবির অপেক্ষা খরং সুরুচির পরিচয় দিয়াছেন। জীজাতি, বিভাবতী ও বুদ্ধিমতী হইলেও সৌন্দর্য্যভিমানিনী, এই বলিয়া অনেকে গ্রীক কবিকে সমর্থন করিতে পারেন; কিন্তু জীজাতির প্রতি অশ্রদ্ধা এবং অবজ্ঞা হইতে যে এরূপ সংস্কারের উৎপত্তি, তাহা তাঁহার অস্বাভাবন করেন না। সামাজ্য রমণীর পক্ষে যাহা সম্ভবপর, জ্ঞান ও বিজ্ঞার অধিষ্ঠাত্রী দেবীর পক্ষে কখনই তাহা সম্ভব নহে। পদ্মাবতীর আখ্যায়িকাটা যদিও গ্রীক পুরাণ হইতে পরিগৃহীত, তথাপি মধুসূদন তাহাকে এরূপ হিন্দু আকার দান করিয়াছেন যে, তাহার অস্বাভাব্যতাও মৌলিক বলিয়া মনে হয়।

১৮৬০ খ্রীষ্টাব্দে এপ্রিল মাসের শেষে অথবা মে মাসের প্রথম সপ্তাহে 'পদ্মাবতী নাটক' প্রকাশিত হয়; পৃষ্ঠা-সংখ্যা ছিল ৭৮। প্রথম সংস্করণের আখ্যাপত্রটি এইরূপ—

পদ্মাবতী নাটক। / জীমাইকেল মধুসূদন দত্ত / প্রণীত। / "চীরন্তে বালিশত্ৰাপি সংকল্পপতিতা কৃষি:" / মুদ্রাবাকস:। / কলিকাতা। / জীমুত ঈশ্বরচন্দ্র বসু কোং বহুবাচারস্থ ১৮২ সংখ্যক / ভবনে ষ্ট্যানহোপ্ যন্ত্রে যন্ত্রিত। / সন ১২৬৭ সাল। /

মধুসূদনের জীবিতকালে ইহার তিনটি সংস্করণ হইয়াছিল। তৃতীয় সংস্করণের (১২৭৬ সাল, পৃ. ৯০) পাঠই আদর্শরূপে গৃহীত হইয়াছে। প্রথম ও তৃতীয় সংস্করণের মধ্যে কোন উল্লেখযোগ্য পাঠভেদ নাই।

'পদ্মাবতী'-সম্পর্কে মধুসূদন ও তাঁহার বন্ধুদের চিঠিপত্রে যে সকল সংবাদ পাওয়া যায়, এখানে তাহা একত্র সন্নিবিষ্ট হইল।—

১। মধুসূদন গৌরদাস বসাককে, ১৯ মার্চ ১৮৫৯

Now that I have got the taste of blood, I am at it again. I am now writing another play. Some time ago, I sent a synopsis of the plot to the Rajas, and they appear to be quite taken up with it. The first Act is finished. J. M. Tagore has written to me to say that it is "indeed very good." If I can achieve myself a name by writing Bengali I ought to do it. But I have said enough of self—a d—d unpleasant subject.—'জীবন-চরিত,' পৃ. ২৪৭।

২। ঈশ্বরচন্দ্র সিংহ মধুসূদনকে, ৮ মে ১৮৫৯

Three or I believe four acts of your new drama are with my brother. I have not had the pleasure of seeing them yet, but from the synopsis which was read to me some months ago, I have no doubt that the plot under your able management would be turned to good account. I am thinking of some domestic farces to follow immediately after the first representation of the 'Shermista' and before it is repeated, just to show the public that we can act the sublime and ridiculous both at the same time and with the same actors.—'মধু-স্মৃতি,' পৃ. ১১৯-২০।

৩। যতীন্দ্রমোহন ঠাকুর মধুসূদনকে

I should like very much to see Blank-verse gradually introduced in our dramatic literature, I am inclined to believe that at first it should be done with great caution and judgement. Where the sentiment is elevated or idea is poetical there only should short and smooth flowing passages in blank-verse be attempted, so that the audience may be beguiled into the belief that they are hearing the self-same prose to which they are accustomed,—only sweetened by a certain inherent music pleasing and agreeable to the ear. But care must be taken that they may, in the first instance, be not scoured away by the rugged grandeur of this form of versification nor disgusted by the rounded periods, replete with phrases, which are jargon to the untutored ears of many; for that would make the thing at once unpopular and injure the cause for many years to come.—'জীবন-চরিত,' পৃ. ২৬৫-৬৬।

৪। মধুসূদন রাজনারায়ণকে, ২৪ এপ্রিল ১৮৬০

...I don't know if you have seen "Sarmistha" or if you have what you think of it. There is another Drama of mine which will be soon acted by a company of amateurs. It is also written on the classical model. As soon as it is out of the Printer's hands, I shall send you a copy and you must let me know what you think of it. If I am spared, I intend to write 3 or 4 more plays of the classical kind, just to give our countrymen a taste for that species of the drama, and then take up historical and other subjects.—'জীবন-চরিত', পৃ. ৩১১।

৫। মধুসূদন রাজনারায়ণকে, ১৫ মে ১৮৬০

Some days ago I wrote to my publisher to send you a copy of the new drama ; I am very anxious to hear what you think of it. I am of opinion that our drama should be in blank verse and not in prose, but the innovation must be brought about by degrees.—'জীবন-চরিত', পৃ. ৩১৬-১৭।

৬। যতীন্দ্রমোহন ঠাকুর মধুসূদনকে, ২২ মে ১৮৬০

I quite forgot to mention in my last letter that I have read পদ্মাবতী with the greatest pleasure ; and how could it be otherwise when the book owes its authorship, to you ? The style is neat and colloquial (perhaps in some places a little too much so) and many of the sentiments are rich and fanciful. The story, being quite of a novel sort in the Bengali language, is highly entertaining and the interest in it is well preserved to the very last ; in short the play is well worthy of the author of *Sharmista* ;...—'জীবন-চরিত', পৃ. ২৬৪।

৭। মধুসূদন রাজনারায়ণকে, ১ জুলাই ১৮৬০

Your opinion about Padmavati is very gratifying, indeed.—'জীবন-চরিত', পৃ. ৩২১।

'পদ্মাবতী নাটক' বেলগাছিয়া নাট্যশালায় অভিনীত হয় নাই। ১৮৬৫ খ্রীষ্টাব্দে পাথুরিয়াঘাটা অঞ্চলে "কোন কোন বড় মানুষের বাড়ীতে" এবং ১৮৭৪ খ্রীষ্টাব্দে সাধারণ রঙ্গালয়ে এই নাটকের অভিনয় হয়।

ପଦ୍ମାବତୀ ନାଟକ

[୧୮୬୯ ଖ୍ରୀଷ୍ଟାବ୍ଦର ସେପ୍ଟେମ୍ବର ମାସେ ମୁଦ୍ରିତ ତୃତୀୟ ସଂସ୍କରଣ ହିତେ]

নাট্যোল্লিখিত ব্যক্তিগণ

ইন্দ্রনীল । (রাজা) ।
মানবক । (বিদূষক) ।
রাজমন্ত্রী ।
দেবর্ষি নারদ ।
মহর্ষি অঞ্জিরা ।
মাহেশ্বরীপুরীর রাজ-কণ্ঠকী ।
ঐ পুরোহিত ।
কলি ।
সারথি ।

শচী দেবী ।
রতি দেবী ।
মুরজা দেবী ।
পদ্মাবতী ।
বসুমতী । (সখী) ।
মাধবী । (পরিচারিকা) ।
গৌতমী । (তপস্বিনী)
রম্ভা । (অঙ্গরী) ।

নাগরিকগণ, রক্ষকগণ, ইত্যাদি ।

গদ্যাবতী নাটক

প্রথমাক্ষ

বিদ্যাগিরি ;—দেব-উপবন

(ধনুর্বাণ-হস্তে রাজা ইন্দ্রনীলের বেগে প্রবেশ ।)

রাজা । (চতুর্দিক্ অবলোকন করিয়া স্বগত) হরিণটা দেখতে দেখতে কোন্ দিকে গেল হে ? কি আশ্চর্য্য ! আমি কি নিদ্রায় আবৃত হয়ে স্বপ্ন দেখছি ? আর তাই বা কেমন করে বলি । এই ত ভগবান্ বিদ্যাচল অচল হয়ে আমার সম্মুখে রয়েছেন । (চিন্তা করিয়া) এই পর্ব্বতময় প্রদেশে রথের গতির রোধ হয় বল্যে, আমি পদব্রজে হরিণটার অনুসরণ ক্লেশ স্বীকার কর্যে অবশেষে কি আমার এই ফল লাভ হলো যে আমি একলা একটা নির্জ্জন বনে এসে পড়লেম ? মরুভূমিতে মরীচিকা বারিরূপে দর্শন দেয় ; তা এ স্থলে কি সে মায়ামৃগ হয়ে আমাকে এত বৃথা ছুঃখ দিলে ? সে যা হোক, এখন এখানে কিঞ্চিৎকাল বিশ্রাম কর্যে এ ক্লান্তি দূর করা আবশ্যক । (পরিক্রমণ করিয়া) আহা ! স্থানটি কি রমণীয় ! বোধ করি এ কোন যক্ষ কিম্বা গন্ধর্বেব উপবন হবে । প্রকৃতি, মানব জাতির লোচনানন্দের নিমিত্তে, এমন অপরূপ রূপ কোথাও ধারণ করেন না । আমি এই উৎসের নিকটে শিলাতলে বসি । এ যেন কলকল রবে আমাকে আহ্বান কচে । (উপবেশন করিয়া সচকিতে) এ কি ? এ উদ্যান যে সহসা অপূর্ব্ব স্নগন্ধে পরিপূর্ণ হতে লাগলো ? (আকাশে কোমল বাত) আহা ! কি মধুর ধ্বনি ! কি— ? (সহসা নিদ্রাবৃত হইয়া শিলাতলে পতন ।)

(শচী এবং রতির প্রবেশ ।)

শচী । সখি, সুরপতির কথা আর কেন জিজ্ঞাসা কর । তিনি ছুঃ দৈত্যবংশ কিসে সমূলে ধ্বংস হবে এই ভাবনায় সদা সর্ব্বদাই ব্যস্ত থাকেন ।

তাঁর কি আর সুখভোগে মন আছে ? -রতিদেবি, তুমি কি ভাগ্যবতী ! দেখ, তোমার মন্থ খিলাঙ্কের জন্মেও তোমার কাছ ছাড়া হন না। আহা ! যেমন পরিজ্ঞাত পুষ্পের আলিঙ্গন পাশে সৌরভমধু চিরকাল বাঁধা থাকে, তোমার মদনও তেমনি তোমার বশীভূত।

রতি। সখি, তা সত্য বটে। বিরহ-অনল যে কাকে বলে তা আমি প্রায় বিস্মৃত হয়েছি। (উভয়ের পরিক্রমণ) কি আশ্চর্য্য ! শচীদেবি, ঐ দেখ তোমার মালতী মলয়মারুতের আগমনে যেন বিরক্ত হয়ে তাকে নিকটে আসতে ইচ্ছিতে নিষেধ কচে।

শচী। করবে না কেন ? দেখ, ইনি সমস্ত দিন ঐ নির্মল সরোবরে নলিনীর সঙ্গে কেলি করে কেবল এই এখানে আসছেন। এতে কি মালতীর অভিমান হয় না ? আর আপনার গায়ের গন্ধেই ইনি আপনি ধরা পড়ছেন।

(মুরজা দেবীর প্রবেশ।)

কি গো, সখি মুরজা যে ? এস, এস। আজ তোমার এত বিরস বদন কেন ? মুর। (দীর্ঘনিশ্বাস পরিত্যাগ করিয়া) সখি, আমার ছুঁথের কথা আর কাকে বলবো ?

রতি। কেন, কেন ? কি হয়েছে ?

মুর। প্রায় পনের বৎসর হলো পার্বতী আমার কন্যা বিজয়াকে পৃথিবীতে জন্মগ্রহণ কতে, অভিশাপ দেন ; তা সেই অবধি তার আর কোন অনুসন্ধান পাই নাই।

শচী। সে কি ? ভগবতী পৃথিবী না তাকে স্বর্গে ধারণ কতে স্বীকার পেয়েছিলেন ?

মুর। হাঁ—পেয়েছিলেন আর ধরেও ছিলেন বটে। কিন্তু তার জন্ম হলো তাকে যে লালন পালনের জন্মে কার হাতে দিয়েছেন এ কথাটি তিনি কোনমতেই আমাকে বলতে চান না। আমি আজ তাঁর পায়ে ধরে যে কত কৈদেছি, তা আর কি বলবো ?

রতি । তা ভগবতী তোমাকে কি বললেন ?

মুর । তিনি বললেন—“বৎসে, সময়ে তুমি আপনিই সকল জানতে পারবে। এখন তুমি রোদন সম্বরণ করো অলকায় যাও। তোমার বিজয়া পরম সুখে আছে।”

শচী । তবে, সখি, তোমার এ বিষয়ে চঞ্চল হওয়া কোনমতেই উচিত হয় না। আর বিবেচনা করে দেখ, পৃথিবীতে মানুষের জীবনলীলা জলবিশ্বের মতন অতি শীঘ্রই শেষ হয়।

মুর । সখি, বিজয়ার বিরহে আমার মন থেকে থেকে যেন কেঁদে উঠে! হয়! জগদীশ্বর আমাদের অমর করেও দুঃখের অধীন কল্যোন্।

শচী । সখি, বিধাতার এ বিপুল সৃষ্টিতে এমন কোন ফুল আছে যে তাতে কীট প্রবেশ কভো না পারে ?

(দূরে নারদের প্রবেশ ।)

নার । (স্বগত) আমি মহর্ষি পুলস্ত্যের আশ্রমে শৃঙ্গপথ দিয়ে গমন করতেছিলেম। অকস্মাৎ এই দেব-উপবনে এই তিনটি দেবনারীকে দেখে ইচ্ছা হলো যে যেমন করো পারি এদের মধ্যে কোন কলহ উপস্থিত করাই— এই জ্ঞেই আমি এই পর্বত-সামুহে অবতীর্ণ হয়েছি। তা আমার এ মনস্কামনাটি কি সুযোগে সূক্ষ্ম করি ? (চিন্তা করিয়া) হাঁ, হয়েছে। এই যে সুবর্ণ-পদ্মটি আমি মানস সরোবর থেকে অবচয়ন করে এনেছি, এর দ্বারাই আমার কার্য সফল হবে। (অগ্রসর হইয়া) আপনাদের কল্যাণ হউক !

সকলে । দেবর্ষি, আমরা সকলে আপনাকে অভিবাদন করি।
(প্রণাম ।)

শচী । (স্বগত) এ হতভাগা ত সর্বত্রই বিবাদের মূল, তা এ আবার কোত্থেকে এখানে এসে উপস্থিত হলো ?—ও মা ! আমি এ কি কচ্চি ? ও যে অন্তর্ধামী। ও আমার এ সকল মনের কথা টের পেলে কি আর রক্ষা আছে। (প্রকাশে) ভগবন, আজ আমাদের কি শুভ দিন !

আমরা আপনার শ্রীচরণ দর্শন করে চরিতার্থ হলেম। তবে আপনার কোথায় গমন হচ্যে ?

নার। (স্বগত) এ জুষ্টা স্ত্রীটির কি কিছুমাত্র লজ্জা নাই। এ কি ? এর যে উদরে বিষ, মুখে মধু। এ যে মাকালফল। বর্ণ দেখলে চক্ষুঃ শীতল হয়, কিন্তু ভিতরে—ভস্ম ! তা আমার যে পর্যাস্ত সাধ্য থাকে একে যথোচিত দণ্ড না দিয়ে এ স্থান হত্যে কোনমতেই প্রস্থান করা হবে না। (প্রকাশে) আপনাদের চন্দ্রানন দর্শন করায় আমি পরম সুখী হলেম। আমার কথা আর কেন জিজ্ঞাসা করেন ? আমি এক ঘোরতর বিপদে পড়ে এই ত্রিভুবন পর্যটন করে বেড়াচ্ছি।

রতি। বলেন কি ?

নার। আর বল্হো কি ? কয়েক দিন হলো আমি কৈলাসপুত্রীতে হরগৌরী দর্শন কর্যে আপন আশ্রমে প্রত্যাগমন কচ্ছিলেম, এমন সময়ে দৈবমায়ায় তৃষ্ণাতুর হয়ে মানস সরোবরের নিকট উপস্থিত হলেম—

শচী। তার পর, মহাশয় ?

নার। সরোবর-তীরে উপস্থিত হয়ে দেখলেম যে তার সলিলে একটি কনকপদ্ম ফুটে রয়েছে।

রতি। দেবর্ষি, তার পর কি হলো ?

নার। আমি পদ্মটির সৌন্দর্য্য দেখে তৃষ্ণা-পীড়া বিস্মৃত হই অতি যত্ন করে তুল্লেম।

সকলে। তার পর ? তার পর ?

নার। তৎক্ষণাৎ আকাশমার্গে এই দৈববাণী হলো—“হে নারদ, এ ভগবতী পার্শ্বতীর পদ্ম ; একে অবচয়ন করা তোমার উচিত কর্ম হয় নাই। এক্ষণে এ ত্রিভুবন মধ্যে যে নারী সর্ব্বাপেক্ষা পরমসুন্দরী তাকে এ পুষ্প না দিলে তুমি গিরিজার ক্রোধানলে দগ্ধ হবে।” হায় ! এ কি সামান্য বিপদ !—

শচী। (সহাস্ত বদনে) ভগবন, আপনি এ বিষয়ে আর উদ্বিগ্ন হবেন না। আপনি এ পদ্মটি আমাকেই প্রদান করুন না কেন ?

মুর। কেন, তোমাকে প্রদান করবেন কেন? দেবর্ষি, আপনি এ পদ্মটি আমাকে দিউন।

রতি। মূনিবর, আপনিই বিবেচনা করুন। এ দেবনির্মিত কনকপদ্মের উপযুক্ত পাত্রী আমাপেক্ষা ত্রিভুবনে আর কে আছে?

নার। (স্বগত) এই ত আমার মনস্কামনা সিদ্ধ হলো। তা এ ঝড় আরম্ভের আগেই আমার এখান থেকে প্রস্থান করা শ্রেয়ঃ। (প্রকাশে) আপনাদের এ বিষয়ে আমাকে অহুরোধ করা উচিত হয় না। দেখুন, আমি বৃদ্ধ, বনচারী তপস্বী—আপনারা সকলেই দেবনারী। আপনাদের মধ্যে যে কে সর্বাপেক্ষা সুন্দরী, এ কথার নির্ঘণ্ট করা আমার সাধ্য নয়। অতএব আমি এই কনকপদ্ম এই ভগবান্ বিদ্যাচলের শৃঙ্গের উপর রাখ্লেম, আপনাদের মধ্যে যিনি পরমসুন্দরী, তিনি ব্যতীত আর কেউ এ পুষ্প স্পর্শ করবা মাত্রেই তাঁকে পাষণ-মূর্ত্তি ধর্যে এই উপবনে সহস্র বৎসর থাকতে হবে। আমি এক্ষণে বিদায় হলেম।

[প্রস্থান।

শচী। (ঈষৎ কোপে) তোমাদের মতন বেহায়া স্ত্রী কি আর আছে?
উভয়ে। কেন? বেহায়া আবার কিসে দেখলে?

শচী। কেন, তা আশ্রয় জিজ্ঞাসা কর? তোমাদের অহঙ্কার দেখলে ভয় হয়! আই মা! কি লজ্জার কথা! তোমাদের কি আমার কাছে এত দর্প করা সাজে?

উভয়ে। কেন, কেন? আমরা কি দর্প করেছি?

শচী। তোমরা কি জান না যে আমি হিংস্রের ইন্দ্রাণী?

মুর। ইঃ, তা হলেই বা। তুমি কি জান না যে আমি যক্ষেশ্বরের প্রণয়িনী মুরজা।

রতি। তোমাদের কথা শুনলে হাসি পায়। তোমরা কি ভুললে যে, যে অনঙ্গদেব সমস্ত জগতের মনঃ মোহন করেন, আমি তাঁর মনোমোহিনী রতি।

শচী। আঃ, তোমার মন্থখের কথা আর কইও না। হরের কোপানলে দক্ষ-হওয়া অবধি তাঁর আর কি আছে ?

রতি। কেন, কি না আছে ? তুমি যদি আমাকে আমার মন্থখের কথা কইতে বারণ কর, তবে তুমিও তোমার ইন্দ্রের নাম আর মুখে এনো না। তোমার প্রতি যে সুরপতির কত অমুরাগ তা সকলেই জানে। তা তোমার প্রতি এত অমুরাগ না থাকলে কি তিনি আর সহস্রলোচন হতেন ?

শচী। (সরোষে) তোর এত বড় যোগ্যতা ? তুই সুরেন্দ্রের নিন্দা করিস্! তোর মুখ দেখলে পাপ হয়।

(অদৃশ্যভাবে নারদের পুনঃপ্রবেশ ।)

নারদ। (স্বগত) আহা! কি কন্দলই বাধিয়েছি। ইচ্ছা করে যে বীণাধনি করো একবার আছন্দে হাত তুলে নৃত্য করি। (চিন্তা করিয়া) যা হউক, এ দুর্জয় কোপাশ্বি এখন নির্বাণ করা উচিত।

[প্রস্থান।]

মুর। আঃ, মিছে ঝগড়া কর কেন ?

আকাশে। হে দেবনারীগণ! তোমরা কেন এ বৃথা বিবাদ করো দেবসমাজে নিন্দনীয় হবে ? দেখ, ঐ উৎসের সমীপে শিলাতলে বিদর্ভ-নগরের রাজা ইন্দ্রনীল রায় স্তম্ভভাবে আছেন। তোমরা এ বিষয়ে ঠিক মধ্যস্থ মান।

মুর। ঐ শুনলে ত ? আর হৃদয়ে কাজ কি ? এস, রাজা ইন্দ্রনীল রায়কে জাগান যাক গে।

শচী। রাজা ইন্দ্রনীল আমার মায়ায় নিজাবৃত হয়ে রয়েছে। এস, আমরা ঐ শিখরের কাছে দাঁড়িয়ে মহারাজকে মায়াজাল হতে মুক্ত করি।

[সকলের প্রস্থান, আকাশে কোমল বাণ্ড।]

রাজা। (গাত্ৰোত্থান করিয়া স্বগত) আহা ! কি চমৎকার স্বপ্নটাই দেখতেছিলাম। (দীর্ঘনিশ্বাস পরিত্যাগ করিয়া) হে নিজাদেবি, আমি কি অপরাধ করেছি যে তুমি এ সময়ে আমার প্রতি এত প্রতিকূল হলে ? হায় ! আমি সশরীরে স্বর্গভোগ কভো আরম্ভ করবামাত্রই তুমি আমাকে আবার এ দুর্জয় সংসারজালে টেনে এনে ফেললে ? জননি, এ কি মায়ের ধর্ম !—আহা ! কি চমৎকার স্বপ্নটাই দেখেছিলাম ! বোধ হলো যেন আমি দেবসভায় বসে অপ্সরীগণের মনোহর সঙ্গীত শ্রবণ করতেছিলাম, আর চতুর্দিক্ থেকে যে কত সৌরভসুধা বৃষ্টি হতেছিল, তা বর্ণনা করা মনুস্তোর অসাধ্য কর্ম। (সচকিতে) এ আবার কি ? এঁরা সকল কে ?—দেবী কি মানবী ?

(শচী, মুরজা এবং রতির পুনঃপ্রবেশ ।)

তা এঁদের অনিমেহ চক্ষু আর ছায়াহীন দেহ এঁদের দেবত্ব-সন্দেহ দূর না কল্যেও, এঁদের অপরূপ রূপ লাভ্যে আমার সে সংশয় ভঞ্জন হতো। নলিনীর আত্মাণ পেলে অন্ধ ব্যক্তিও জানতে পারে যে নলিনীই তার নিকটে ফুটে রয়েছে। এমন অপরূপ রূপ লাভ্য কি ভূমণ্ডলে সম্ভবে ?

শচী। মহারাজের জয় হউক।

মুর। মহারাজ দীর্ঘায়ুঃ হউন।

রতি। মহারাজের সর্বত্র মঙ্গল হউক।

শচী। হে মহীপতে, আমি ইন্দ্রাণী শচী।

মুর। মহারাজ, আমি যক্ষরাজপত্নী মুরজা।

রতি। নরেশ্বর, আমি মম্বথপ্রণয়িনী রতি।

শচী। (জনান্তিকে মুরজা এবং রতির প্রতি) এক জনকে কথা কইতে দাও—এত গোল কর কেন ? এমন কল্যে কি কর্ম সিদ্ধ হবে ?

রাজা। (প্রণাম করিয়া) আপনাদের শ্রীচরণ দর্শন করে আমার জন্ম সার্থক হলো। তা আপনারা এ দাসের প্রতি কি আজ্ঞা করেন ?

শচী। মহারাজ, ঐ যে পর্বতশৃঙ্গের উপর কনকপদ্মটি দেখতে পাচেন, ঐটি আমাদের তিন জনের মধ্যে আপনি যাকে সর্বপেক্ষা পরমসুন্দরী বিবেচনা করেন, তাকেই প্রদান করুন।

রতি। মহারাজ, শচী দেবী যা বললেন, আপনি তা ভাল করে বুঝলেন ত ?—যে সর্বপেক্ষা পরমসুন্দরী—

শচী। আরে এত গোল কর কেন ?

রাজা। (স্বগত) এ কি বিষম বিভ্রাট ! এঁরা সকলেই ত দেবনারী দেখছি, তা এঁদের মধ্যে কাকে তুষ্ট কাকেই বা রুষ্ট করবো। (প্রকাশে) আপনারা এ বিষয়ে এ দাসকে মার্জনা করুন।

শচী। তা কখনই হবে না। আপনি পৃথিবীতে ধর্মাবতার। আপনাকে অবশ্যই এ বিচার কঁতে হবে।

মুর। এ মীমাংসা আপনি না কল্যে আর কে করবে ?

রতি। তা এতে আপনার ভয় কি ? আপনি একবার আমাদের দিকে চেয়ে দেখলেই ত হয়।

রাজা। (স্বগত) কি সর্বনাশ ! আজ যে আমি কি কুলগ্নেই যাত্রা করেছিলেম, তা আর কাকে বলবো।

শচী। নরনাথ, আপনি যে চূপ্ করে রইলেন ? এ বিষয়ে কি আপনার মনে কোন সংশয় হয় ? দেখুন, আমি সুরেশ্বরের মহিষী, আমি ইচ্ছা কল্যে আপনাকে এই মুহূর্তেই সমাগরা পৃথিবীর ইন্দ্রত্বপদে নিযুক্ত কতো পারি।

মুর। শচী দেবি, এ, সখি, তোমার বৃথা গর্ব। দেখ, তোমরা প্রবল দৈত্যকুলের ভয়ে অমরাবতীতে—দিবা রাত্রি যেন মরে থাক। তা তুমি আবার সমাগরা পৃথিবীর ইন্দ্রত্ব কোত্থেকে দেবে গা ? (রাজার প্রতি) হে নরেশ্বর, আপনি বিবেচনা করুন, আমি ধনেশ্বরের ধর্মপত্নী ; এ বসুমতী আমারই রত্নাগার,—এতে যত অমূল্য রত্নরাজি আছে, আমিই সে সকলের অধিকারিণী।

রতি। (স্বগত) বাঃ, এঁরা যে ছুজনেই দেখছি বিচারকর্তাকে ঘৃষ খাওয়াতে উত্তত হলেন, তবে আমি আর চূপ্ করে থাকি কেন? (প্রকাশে) মহারাজ, ইন্দ্রদ্বপদের যে কি সুখ তা সুরপতিই জানেন। পক্ষিরাজ বাজ সদর্পে উন্নত পর্বতশৃঙ্গে বাস করে বটে; কিন্তু ঝড় আরম্ভ হল্যে সকলের আগে তারই সর্বনাশ হয়। আর ধনের কথা কি বলবো? যে ফণীর মস্তকে মণি জন্মে, সে সর্বদাই বিবরে লুক্য়ে থাকে। আর যদি কখন ক্ষুধাতুর হয়ে ঘোরতর অন্ধকার রাত্রেও বাইরে আসে, তবে তার মণির কাস্তি দেখে কে তার প্রাণ নষ্ট কতো চেষ্টা না করে? আরও দেখুন, ধন-উপার্জ্জনে যার মন, তার অবশেষে ভুত্‌পোকাকার দশা ঘটে। এই নির্বোধ কীট অনেক পরিশ্রমে একখানি উত্তম গৃহ নির্মাণ করে, তার মধ্যে বদ্ধ হয়ে, ক্ষুধাতৃষ্ণায় প্রাণ হারায়, পরে পট্‌বজ্র অশ্র লোকে পরে।

শচী। আহা! রতি দেবীর কি সূক্ষ্ম বুদ্ধি গা! তবে এ পৃথিবীতে সুখী কে?

রতি। তা তুমি কেমন করে জানবে? আমার বিবেচনায় মধুকর সর্বাপেক্ষা সুখী। পুষ্পকুলের মধুপান ভিন্ন তার আর কোন কস্মই নাই। তা মহারাজ, এ পৃথিবীতে যত পুষ্পস্বরূপ অঙ্গনা বিকশিতা হয়, তারা সকলেই আমার সেবিকা।

রাজা। (স্বগত) এখন আমার কি করা কর্তব্য? এ বিপদ হত্যে কিসে পরিত্রাণ পাই?

শচী। হে নরনাথ, আপনার আর এ বিষয়ে বিলম্ব করা উচিত হয় না।

রাজা। যে আজ্ঞা। (কনকপদ্ম গ্রহণ করিয়া) আপনারা স্বেচ্ছাক্রমে আমাকে এ বিষয়ে মধ্যস্থ মেনেছেন, তা এতে আমার বিবেচনায় যা যথার্থ বোধ হয়, আমি তা কল্যে ত আপনাদের মধ্যে কেউ আমার প্রতি বিরক্ত হবেন না?

সকলে। তা কেন হবো?

রাজা। তবে আমি এ কনকপদ্ম রতি দেবীকে প্রদান করি। আমার

বিবেচনায় মন্থমনোমোহিনী রতি দেবীই বামাদলের ঈশ্বরী। (রতিকে পদ্ম প্রদান।)

শচী। (সরোষে) রে ছুঁষ্ট মানব, তুই কামের বশ হয়ে ধর্ম নষ্ট করলি ? তা তোকে আমি এ নিমিস্তে যথোচিত দণ্ড দিতে কোন মতেই ক্রটি করবো না।

[প্রস্থান।

মুর। (সরোষে) তুই রাজকূলে জন্মগ্রহণ করো, স্ত্রীলোভে চণ্ডালের কর্ম করলি ? তা তুই যে কালক্রমে এর সমুচিত শাস্তি পাবি, তার কোন সংশয় নাই।

[প্রস্থান।

রতি। (প্রফুল্ল বদনে) মহারাজ, আপনি এ বিষয়ে কোনমতেই শঙ্কিত হবেন না। আমি আপনাকে রক্ষা করবো, আর আপনার যথাবিধি পুরস্কার কতেও ভুলবো না। আপনি আমার আশীর্বাদে পরম সুখভোগী হবেন। এখন আমি বিদায় হই।

[প্রস্থান।

রাজা। (স্বগত) বিধাতার নিব্বন্ধ কে খণ্ডন কতে পারে ? তা পরে আমার অদৃষ্টে যা থাকে তাই হবে ; এখন যে এ বস্তুটা মিটে গেছে, এতেই বাঁচলেম। শচী আর মুরজা যে আমাকে ক্রোধানলে ভস্ম করো যায় নাই, এই আমার পরম লাভ।

(সারথির প্রবেশ।)

সার। মহারাজের জয় হউক। দেব, আপনার রথ প্রস্তুত।

রাজা। সে কি ? তুমি এ পর্বত-প্রদেশে রথ কি প্রকারে আনলে ?

সার। (কুতাজ্জলিপুটে) মহারাজ, আপনার প্রসাদে এ দাসের পক্ষে এ অতি সামান্য কর্ম।

রাজা। তা রথ এখানে এনে ভালই করেছে। আমি এই ভগবান বিদ্যাচলের মতন প্রায় অচল হয়ে পড়েছি। আর্ঘ্য মাগবক কোথায় ?

সার। আজ্ঞা—তিনি মহারাজের অগ্নেয়শিবে ইতস্ততঃ ভ্রমণ করে বেড়াচ্ছেন।

নেপথ্যে। ও—হে!—হে!—হে!

রাজা। সারথি, তুমি রথের নিকটে গিয়ে আমার অপেক্ষা কর। আমি মাগবককে সঙ্গে করে আনি।

সার। যে আজ্ঞা, মহারাজ।

[প্রস্থান।

রাজা। (স্বগত) দেখি মাগবক এখানে একলা এসে কি করে। এমন নিভৃত স্থলে ওর মতন ভীকু মনুষ্যকে ভয় দেখান অতি সহজ কর্ম। (পর্বতাস্তুরালে অবস্থিতি ।)

(বিদূষকের প্রবেশ ।)

বিদূ। (স্বগত) দূর কর মেনে! এ কি সামান্য যন্ত্রণা। ওরে নিষ্ঠুর পেট, তুই এ অনর্থের মূল। আমি যে এই হাবাতে রাজার্টার পাছে পাছে ওর ছায়ার মতন ফিরে বেড়াই, সে কেবল তোর জ্বালায় বৈ ত নয়। এই দেখ, এই পাহাড়ে দেশে হেঁটে হেঁটে আমি ধোঁড়া হয়ে গেলেম। (ভুতলে উপবেশন করিয়া) হায়, এই যে ব্রাহ্মণের পাদপদ্ম, এর চিহ্ন স্বয়ং পুরুষোত্তম কত প্রযত্নে আপনার বক্ষঃস্থলে ধারণ করেন। তা দেখ, এ পাথরের চোটে একেবারে যেন ছিঁড়ে গেছে। উঃ, একবার রক্তের জ্বোতের দিকে চেয়ে দেখ, যেন প্রবালের বৃষ্টিই হচ্ছে। রে ছুঁট বিদ্যাচল, তোর কি দয়ার লেশমাত্রও নাই। আর কোত্থেকেই বা থাকবে। তোর শরীর যেমন পাষণ, তোর হৃদয়ও তেমনি কঠিন। ওরে অধম, তোর কি ব্রহ্মহত্যা পাপের ভয় নাই ?

নেপথ্যে। (তর্জন গর্জন শব্দ ।)

বিদু। ও বাবা! এ আবার কি? পর্বতটা রেগে উঠলো না কি?
নেপথ্যে। (তর্জন গর্জন শব্দ।)

বিদু। (সত্রাসে) কি সর্বনাশ! (ভূতলে জাহ্নুদয় নিঃক্ষেপ করিয়া
প্রকাশে) হে ভগবন্ বিদ্যাচল, তুমি আমার দোষ এবার ক্ষমা কর। প্রভু,
আমি তোমার পায়ে পড়ি। আমি এই নাক কান মলে বলছি, আমি
তোমাকে আর এ জন্মেও নিন্দা করবো না। হিমাদ্রিকে অচলেন্দ্র কে বলে?
তুমিই পর্বতকুলের শিরোমণি। (গাত্রোথান এবং চিন্তা করিয়া স্বগত)
দূর, আমার আজ কি হয়েছে। আমি একটুতে এত ডরালেম যে? বোধ
করি, ও শব্দটা কেবল প্রতিধ্বনি মাত্র।

নেপথ্যে।—ধ্বনি মাত্র।

বিদু। (সচকিতে) এ আবার কি? এ যে যথার্থই প্রতিধ্বনি। তা
পর্বত-প্রদেশই ত প্রতিধ্বনির জন্মস্থান। দেখি এর সঙ্গে কেন কিঞ্চিৎ
আলাপই করি না। (উচ্চস্বরে) ওলো প্রতিধ্বনি।

নেপথ্যে।—পীরিতের ধনী।

বিদু। ওলো তুই আবার কোত্থেকে লো?

নেপথ্যে।—কৈ লো?

বিদু। তুই লো।

নেপথ্যে।—তুই লো।

বিদু। মন্, তোর মুখে ছাই।

নেপথ্যে।—মুখে ছাই।

বিদু। কার মুখে লো? আমার মুখে কি তোর মুখে?

নেপথ্যে।—তোর মুখে।

বিদু। বাহবা! বাহবা।

নেপথ্যে।—বোবা।

বিদু। মন্ গস্তানি, তুই আমাকে গাল দিস্।

নেপথ্যে।—ইস্।

বিদু। যা, এখন যা।

নেপথ্যে।—আঃ।

বিদু। ও কি লো? তোর কি আমাকে ছেড়ে যেতে মন চায় না লো?

নেপথ্যে।—না লো।

বিদু। দূর মাগি, তুই এখন গেলে বাঁচি।

নেপথ্যে।—অ্যা—ছি।

বিদু। মাগীকে তাড়াবার কোন উপায়ই দেখি না।

নেপথ্যে।—না।

বিদু। বটে? তবে এই দেখ্। (মুখাবৃত করিয়া শিলাতলে উপবেশন।)

(রাজার পুনঃপ্রবেশ।)

রাজা। (স্বগত) আমাকে যে আজ কত বেশ ধরতে হচে তা বলা দুষ্কর। আমি এই উপবনে নিষাদরূপে প্রবেশ করে, প্রথমতঃ দেবদেবীর মধ্যস্থ হলেম; তার পরে আবার প্রতিধ্বনিও হলেম; দেখি, আরও কি হতে হয়। (পর্বতাস্তুরালে অবস্থিতি।)

বিদু। (মুখ মোচন করিয়া স্বগত) মাগী গেছে ত। ওলো প্রতিধ্বনি, তুই কোথায় লো? রাম বলো, আপদ্ গেছে। (চতুর্দিক্ অবলোকন করিয়া) আহা! ফোয়ারাটি কি সুন্দর দেখ! এমন জল দেখলে শীতকালেও তৃষ্ণা পায়। তা আমার যে এক দৃঢ় প্রতিজ্ঞা আছে যে কিছু আহার না করে কখনই জল খাব না। কি আশ্চর্য্য! ঐ যে একটা উত্তম পাকা দাড়িম্ দেখতে পাচ্ছি। তা এ নির্জন স্থানে এক জন সদ্ধংশজাত ব্রাহ্মণকে কিছু ফলাহারই করাই নে কেন? (দাড়িম্বগ্রহণ।)

নেপথ্যে। রে ছুষ্ট তস্কর, তুই কি জানিস্ না যে এ দেব-উপবন যক্ষরাজের রক্ষিত?

বিদু। (সত্রাসে স্বগত) ও বাবা! এ আবার মাটি খেয়ে কি করে বস্লেম।

নেপথ্যে। ওরে পাষণ্ড, আমি এই তোমর মস্তকচ্ছেদন কত্যা আসুছি।
(ছহুঙ্কার ধ্বনি।)

বিদূ। (সত্রাসে ভূতলে জালুদ্বয় নিক্ষেপ করিয়া প্রকাশে) হে যক্ষরাজ, আপনি এবার আমাকে রক্ষা করুন। আমি এক জন অতি দরিদ্র ব্রাহ্মণ, পেটের দায়েই এ কৰ্ম্মটা করেছি।

নেপথ্যে। হা মিথ্যাবাদিন, যার ব্রাহ্মণকুলে জন্ম সে মহাত্মা কি কখন পরধন অপহরণ করে ?

বিদূ। (সত্রাসে) হে যক্ষরাজ, আমি আপনার মাথা খাই যদি মিথ্যা কথা কই। আমি যথার্থই ব্রাহ্মণ। তা আমি আপনার নিকটে এই শপথ কচি যে, যদি আর কখন পরের দ্রব্য চুরি করি, তবে যেন আমি সাত পুরুষের হাড় খাই। আমি এই নাকে খৎ দিয়ে বল্চি—

নেপথ্যে। দে, খৎ দে।

বিদূ। (খৎ দিয়া) আর কি কত্যা আজ্ঞা করেন, বলুন।

নেপথ্যে। তুই এ স্থলে কি নিমিত্তে এসেছিস্ ?

বিদূ। (স্বগত) বাঁচলেম! আর যে কত ফল চুরি করে খেয়েছি, তা জিজ্ঞাসা কল্যে না। (প্রকাশে) যক্ষরাজ, আর ছুংখের কথা কি বলবো। আমি বিদর্ভনগরের রাজা ইন্দ্রনীলের সঙ্গে আপনার টপবনে এসেছি।

নেপথ্যে। সে কি ? বিদর্ভনগরের ইন্দ্রনীল রায় যে অতি নির্ভুর ব্যক্তি। সে না.তার প্রজাদের অত্যন্ত পীড়ন করে ?

বিদূ। আপনি দেখছি সকলই জানেন, তা আপনাকে আমি আর অধিক কি বলবো। রাজা বেটা রেয়েতের কাছে যখন যা দেখে, তখনই তাই লুটে পুটে হ্যায়।

নেপথ্যে। বটে ? সে না বড় অসৎ ?

বিদূ। মহাশয়, ও কথা আর বলবেন না,—ওর রাজ্যে বাস করা ভার। বেটা রাবণের পিতামহ।

নেপথ্যে। বটে ? রাজার কয় সংসার ?

বিদু। আজ্ঞা, বেটা এখনও বিয়ে করে নি।

নেপথ্যে। কেন ?

বিদু। মহাশয়, বেটা কৃপণের শেষ। পয়সা খরচ হবে বল্যে বিয়ে করে না।

(রাজার পুনঃপ্রবেশ ।)

রাজা। কি হে দ্বিজবর, এ সকল কি সত্য কথা ? আমি কি প্রজা-পীড়ন করি ? আমি কি দশানন অপেক্ষাও দুরাচার ? আমি কি অর্থ ব্যয় হবে বল্যে বিবাহ করি না ?

বিদু। (স্বগত) কি সর্বনাশ ! এ ত যক্ষরাজ নয়, এ যে রাজা ইন্দ্রনীল ! তা এখন কি করি ? একে যে গালাগালি দিছি, বোধ করি, মেরে হাড় ভেঙ্গে দেবে এখন।

রাজা। কি হে সখে মাণবক, তুমি যে চুপ করে রইলে ? এখন আমার উচিত যে আমিই তোমার মস্তকচ্ছেদ করি।

বিদু। হাঃ ! হাঃ ! হাঃ ! (উচ্চহাস্য ।)

রাজা। ও কি ও, হেসে উড়িয়ে দিতে চাও না কি ?

বিদু। হাঃ ! হাঃ ! হাঃ ! (উচ্চহাস্য ।)

রাজা। মর্ মূর্খ ! তুই পাগল হলি না কি ?

বিদু। হাঃ ! হাঃ ! হাঃ ! বয়স্ত, আপনি কি বিবেচনা করেন যে আমি আপনাকে চিন্তে পেরেছিলেম না। হাঃ ! হাঃ ! হাঃ !

রাজা। বল দেখি, কিসে চিন্তে পেরেছিলি ?

বিদু। মহারাজ, হাতীর গর্জন শুনে কি কেউ মনে করে যে কোলা ব্যাঙ ডাক্চে। সিংহের হুহুকার শব্দ কি গলাভাঙ্গা গাধার চীৎকার বোধ হয়। হাঃ ! হাঃ ! হাঃ ! (উচ্চহাস্য ।)

রাজা। ভাল, তবে তুমি আমাকে এত নিন্দা কল্যে কেন ?

বিদু। বয়স্ত, পাপকর্ম কল্যে তার ফল এ জন্মেও ভোগ কল্যে হয়। দেখুন, আপনি একজন সদ্ব্রাহ্মণকে ভয় দেখিয়ে তাকে কষ্ট দিতে উত্ত

হয়েছিলেন, তাঁর জন্তেই আপনাকে নিন্দাস্বরূপ কিঞ্চিৎ তিক্ত বারি পান কতো হলো।

রাজা। (সহাস্ত্র বদনে) সখে, তোমার কি অগাধ বুদ্ধি। সে যা হউক, আমি যে আজ এ উপবনে কত অদ্ভুত ব্যাপার দেখেছি, তা তুমি শুনলে অবাক হবে।

বিদু। কেন মহারাজ ? কি হয়েছিল, বলুন দেখি ?

রাজা। সে সকল কথা এ স্থলে বক্তব্য নয়। চল, এখন দেশে যাই। সে সব কথা এর পরে বলবো।

বিদু। তবে চলুন। (কিঞ্চিৎ পরিক্রমণ করিয়া অবস্থিতি।)

রাজা। ও আবার কি ? দাঁড়ালে কেন ?

বিদু। বয়স্শ, ভাব্চি কি—বলি যদি এখানে যক্ষরাজ নাই, তবে ও পাকা দাড়িমটা ফেলে যাব কেন ?

রাজা। (সহাস্ত্র বদনে) কে ফেলে যেতে বল্চে ? নাও না কেন ?

বিদু। যে আজ্ঞা। (দাড়িম্ব গ্রহণ।)

রাজা। চল, এখন যাই। যদি যক্ষরাজ যথার্থই এসে উপস্থিত হন, তবে কি হবে ?

বিদু। আজ্ঞা হাঁ—এ বড় মন্দ কথা নয় ; তবে শীঘ্রই চলুন।

[উভয়ের অস্থান।]

ইতি প্রথমাক্ষ ।

দ্বিতীয় অঙ্ক

প্রথম গর্ভাঙ্ক

মাহেশ্বরীপুরী—রাজশাস্ত্রসংক্রান্ত উদ্যান।

(পদ্মাবতী এবং সখীর প্রবেশ ।)

পদ্মা। (আকাশে দৃষ্টিপাত করিয়া) সখি, সূর্য্যদেব অস্তে গেছেন বটে, কিন্তু এখনও একটু রোদ্দ আছে।

সখী। প্রিয়সখি, তবুও দেখ, ঐ না একটি তারা আকাশে উঠেছে ?

পদ্মা। ওঁকে কি তুমি চেন না, সখি ? ও যে ভগবতী রোহিণী। চন্দ্রের বিরহে ওঁর মন এত চঞ্চল হয়েছে, যে উনি লজ্জায় জলাঞ্জলি দিয়ে তাঁর আসূবার আগেই একলা এসে তাঁর অপেক্ষা কচেন।

সখী। প্রিয়সখি, তা যেন হলো, কিন্তু একবার এদিকে চেয়ে দেখ। কি চমৎকার !

পদ্মা। কেন, কি হয়েছে ?

সখী। ঐ দেখ, মধুকর তোমার মালতীর মধু পান কত্যা এসেছে, কিন্তু মলয়মারুত যেন রাগ করেই ওঁকে এক মুহূর্তের জগ্গেও স্থির হয়ে বসতে দিচেন না। আর দেখ, ওরও কত লোভ। ওঁকে যত বার মলয় তাড়াচেন, ও তত বার ফিরে ফিরে এসে বসূচে।

পদ্মা। সখি, চল দেখিগে, চক্রবাকী তার প্রাণনাথকে বিদায় করে, এখন একলা কি কচ্যে।

সখী। প্রিয়সখি, তাতে কাজ নাই। বরঞ্চ চল দেখিগে, কুমুদিনী আজ কেমন বেশ করে তার বাসরঘরে চন্দ্রের অপেক্ষা কচ্যে।

পদ্মা। সখি, যে ব্যক্তি সখী, তার কাছে গেলেই বা কি, আর না গেলেই বা কি ? কিন্তু যে ব্যক্তি ছঃখী, তার কাছে গিয়ে ছুটি মিষ্ট কথা কইলে তার মন অবশ্যই প্রফুল্ল হয়। আমি দেখেছি যে উচ্চ স্থলে

বৃষ্টিধারা পড়লে, জলটা অতিশীঘ্র বেগে চলে যায়, কিন্তু যদি কোন মরুভূমি কখন জলধরের প্রসাদ পায়, তবে সে তা তৎক্ষণাৎ ব্যগ্র হয়ে পান করে।

(পরিচারিকার প্রবেশ ।)

পরি। রাজনন্দিনি, একজন পটোদের মেয়ে পট বেচবার জন্তে এসেছে; আপনি যদি আজ্ঞা করেন, তবে তাকে এখানে ডেকে আনি। সে বলছে যে, তার কাছে অনেক রকম উত্তম উত্তম পট আছে।

সখী। দূর, এ কি পট দেখবার সময়?

পদ্মা। কেন? এখনও ত বড় অন্ধকার হয় নাই। (পরিচারিকার প্রতি) যা, তুই চিত্রকরীকে ডেকে আনগে।

পরি। রাজনন্দিনি, সে অতি নিকটেই আছে। (উচ্চস্বরে) ওলো পটোদের মেয়ে, আয়, তোকে রাজনন্দিনী ডাকছেন।

নেপথ্যে। এই যাচি।

(চিত্রকরীবেশে রতি দেবীর প্রবেশ ।)

সখী। (জনাস্তিকে পদ্মাবতীর প্রতি) প্রিয়সখি, এর নীতুলে জন্ম বটে, কিন্তু এর রূপলাবণ্য দেখলে চক্ষু জুড়ায়।

পদ্মা। (জনাস্তিকে সখীর প্রতি) তুমি কি ভেবেচ, সখি, যে মণি মাণিক্য কেবল রাজগৃহেই থাকে? কত শত অন্ধকারময় খনিতেও যে তাদের পাওয়া যায়। এই যে উজ্জ্বল মুক্তাটি দেখ্চ, এ একটা কদাকার স্তম্ভের গর্ভে জন্মেছিল। আর যে নলিনীকে লোকে ফুলকুলের ঈশ্বরী বলে, তার কাদায় জন্ম। (রতির প্রতি) তুমি কি চাও?

রতি। (স্বগত) আহা! রাজা ইন্দ্রনীলের কি সৌভাগ্য। তা সে শতীর আর মুরজার দর্প চূর্ণ করে আমার যে মান রেখেছে, আমার তাকেই এই অমূল্য রত্নটি দান করা উচিত।

পদ্মা। চিত্রকরি, তুমি যে চূপ করে রৈলে? তুমি ভয় করো না। এখানে কার সাধ্য যে, তোমার প্রতি কোন অত্যাচার করে।

রতি। আপনি হচেন রাজার মেয়ে, আপনার কাছে মুখ খুলতে আমার ভয় হয়।

পদ্মা। (সহাস্ত বদনে) কেন? রাজকন্যা কি রাক্ষসী? তারাও তোমাদের মতন মানুষ বৈ ত নয়।

রতি। (স্বগত) আহা! মেয়েটি যেমন সুন্দরী তেমনই সরলা।

পদ্মা। (শিলাতলে উপবেশন করিয়া) চিত্রকরি, এই আমি বস্লেম, তোমার পট সকল এক এক খান করে দেখাও।

রতি। যে আজ্ঞে, এই দেখাচি।

পদ্মা। চিত্রকরি, তুমি কোথায় থাক?

রতি। আজ্ঞে, আমরা পাহাড়ে মানুষ।

পদ্মা। তোমার স্বামী আছে?

রতি। রাজনন্দিনি, আমার পোড়া স্বামীর কথা আর কেন জিজ্ঞাসা করেন? তিনি আগুনে পুড়েও মরেন না। আর যেখানে সেখানে পান, কেবল লোকের মন মজিয়ে বেড়ান।

সখী। প্রিয়সখি, যদি তোমার পট দেখতে ইচ্ছা থাকে তবে আর দেরি করো না।

পদ্মা। চিত্রকরি, এস, তোমার পট দেখাও।

রতি। এই দেখুন। (একখান পট প্রদান।)

পদ্মা। (অবলোকন করিয়া সখীর প্রতি) সখি, এই দেখ, অশোক-কাননে সীতা দেবী রাক্ষসীদের মধ্যে বসে কাঁদছেন। আহা! যেন সৌদামিনী মেঘমালায় বেষ্টিতা হয়ে রয়েছে। কিম্বা নলিনীকে যেন শৈবালকুল ঘেরে বসেছে। আর ঐ যে ক্ষুদ্র বানরটি গাছের ডালে দেখে, ও পবনপুত্র হনুমান্। দেখ, জানকীর দশা দেখে ওর চক্ষের জল বৃষ্টিধারার মতন অনর্গল পড়ছে। সখি, এ সকল ত্রেতাযুগের কথা, তবু এখনও মনে হলো হৃদয় বিদীর্ণ হয়।

রতি। (স্বগত) আহা ! এ কি সামান্য দয়াশীলা । ভগবতী বৈদেহীর ছুঃখেও এর নয়ন অশ্রুজলে পরিপূর্ণ হলো । (প্রকাশে) রাজনন্দিনি, আরও দেখুন । (অশ্রু একখান পট প্রদান ।)

পদ্মা। এ শ্রৌপদীর স্বয়ম্বর । এই যে ব্রাহ্মণ ধনুর্বাণ ধরে অলক্ষ্য লক্ষ্যের দিকে আকাশমার্গে দৃষ্টি কচ্যেন, ইনি যথার্থ ব্রাহ্মণ নন । ইনি ছদ্মবেশী ধনঞ্জয় । ঐ যাজ্ঞসেনী ।

রতি। (পদ্মাবতীর প্রতি) রাজনন্দিনি, এই পটখান একবার দেখুন দেখি । (পট প্রদান ।)

পদ্মা। (অবলোকন করিয়া ব্যগ্রভাবে রতির প্রতি) চিত্রকরি, এ কার প্রতিমূর্ত্তি লা ?

রতি। আজ্ঞে, তা আমি আপনাকে—(অর্দ্বোক্তি ।)

পদ্মা। সখি—(মূর্চ্ছাপ্রাপ্তি ।)

সখী। (পদ্মাবতীকে ক্রোড়ে ধারণ করিয়া) হায়, এ কি ! প্রিয়সখী যে হঠাৎ অজ্ঞান হয়ে পড়লেন । (পরিচারিকার প্রতি) ওলো মাধবি, তুই শীঘ্র একটু জল আনত লা ।

[পরিচারিকার বেগে প্ৰস্থান ।

রতি। (স্বগত) ইন্দ্রনীলের প্রতি যে পদ্মাবতীর এ পূর্ব্বরাগ জন্মেছে, তা ত আমি জান্তেম না । এদের ছুজনকে স্বপ্নযোগে কয়েক বার একত্র করাতেই এরা উভয়ে উভয়ের প্রতি এত অমুরক্ত হয়েছে । এ ত ভালই হয়েছে । আমার আর এখন এখানে থাকায় কোন প্রয়োজন নাই । শচী আর মুরজার ক্রোধে পদ্মাবতীর কি অনিষ্ট ঘটতে পারবে ? আমি এ সকল বৃত্তান্ত ভগবতী পার্ব্বতীকে অবগত করালে, তিনি যে এই পদ্মাবতীর প্রতি অমুকুল হবেন তার কোন সন্দেহ নাই । (অন্তর্দান ।)

সখী। (স্বগত) হায় ! প্রিয়সখী যে সহসা অচেতন হয়ে পড়লেন, এর কারণ কি ?

পদ্মা। (গাত্রোত্থান করিয়া ব্যগ্রভাবে) সখি, চিত্রকরী কোথায় গেল ?

সখী। কৈ, তাকে ত দেখতে পাই না। বোধ করি, সে তোমাকে
অচেতন দেখে মাধবীর সঙ্গে জল আনতে গিয়ে থাকবে।

পদ্মা। (ব্যগ্রভাবে) তবে কি সে চিত্রপটখানা সঙ্গে লয়ে গেছে ?

সখী। ঐ যে চিত্রপট তোমার সম্মুখেই পড়ে রয়েছে।

পদ্মা। (ব্যগ্রভাবে চিত্রপট লইয়া বন্ধস্থলে স্থাপন করিয়া) সখি, এ
চিত্রকরীকে তুমি আর কখন দেখেচ ?

সখী। প্রিয়সখি, তুমি যে চিত্রপটখানা এত যত্ন করে বুকে লুকিয়ে
রাখলে ?

পদ্মা। আমি যা জিজ্ঞাসা করি, তার উত্তর দাও না কেন ? বলি, এ
চিত্রকরীকে তুমি আর কখন দেখেচ ?

সখী। ওকে আমি কোথায় দেখবো ?

(জল লইয়া পরিচারিকার পুনঃপ্রবেশ ।)

পরি। রাজনন্দিনী যে আমি জল না আনতে আনতেই সেরে উঠেছেন,
তা বেশ হয়েছে।

সখী। হ্যাঁ লা মাধবি, এ পটো মাগী কোন্ দিকে গেল তুই দেখেচিস্ ?

পরি। কেন ? সে না এখানেই ছিল। সে ত কই আমার সঙ্গে যায়
নাই। যাই, এখন আমি এ ঘটিটে রেখে আসিগে।

[প্রস্থান ।

পদ্মা। (চতুর্দিক্ অবলোকন করিয়া) কি আশ্চর্য্য ! সখি, আমি
বোধ করি, এ চিত্রকরী কোন সামান্য স্ত্রী না হবে।

সখী। (চতুর্দিক্ অবলোকন করিয়া) তাই ত, এ কি পাখী হয়ে উড়ে
গেল ?

পদ্মা। দেখ, সখি, তুমি কারো কাছে এ কথা প্রসঙ্গ করো না।

সখী। প্রিয়সখি, তুমি যদি বারণ কর, তবে নাই বা কল্যেয়।

(নেপথ্যে নানাবিধ যন্ত্রধ্বনি) ঐ শোন। সঙ্গীতশালায় গানবাণ্ড আরম্ভ হলো। চল, আমরা যাই।

পদ্মা। সখি, তুমি যাও, আমি আরও কিছুকাল এখানে থাকতে ইচ্ছা করি।

সখী। প্রিয়সখি, তুমি না গেলে কি ওরা কেউ মন দিয়ে গাবে, না বাজাবে ?

পদ্মা। আমি গেলেম বল্যে। তুমি গিয়ে নিপুণিকাকে আমার বীণার সুর বাঁধতে বল।

সখী। আচ্ছা—তবে আমি চল্যেম।

[প্রস্থান।

পদ্মা। হে রজনীদেবি, এ নিখিল জগতে কোন্ ব্যক্তি এমন দুঃখী আছে, যে সে তোমার কাছে তার মনের কথা না কয় ? দেখ, এই যে ধুতুরাফুল, এ সমস্ত দিন লজ্জায় আর মনস্তাপে মৌনভাবে থাকে, কেন না, বিধাতা একে পরমসুন্দরী করেও এর অধরকে বিধাক্ত করেছেন, কিন্তু তুমি এলে এও লজ্জা সম্বরণ কর্যে বিকশিত হয়। জননি, তুমি পরমদয়াশীলা। (পরিক্রমণ করিয়া) হায়! আমার কি হলো। আজ কয়েক দিন অবধি আমি প্রতি রাত্রে যে একটি অদ্ভুত স্বপ্ন দেখছি, তার কথা আর কাকে বলবো ? বোধ হয়, যেন একটি পরমসুন্দর পুরুষ আমার পাশে দাঁড়িয়ে এই বলেন—“কল্যাণি, আমার এই হৃৎসংবাবণকে সুশোভিত করবার নিমিত্তেই বিধাতা তোমার মতন কনকপদ্ম সৃষ্টি করেছেন। প্রিয়ে, তুমি আমার।” এইমাত্র বলে সেই মহাত্মা অন্তর্দান হন। আর এই তাঁরই প্রতিমূর্ত্তি। এই যে চিত্রকরী, যিনি আমাকে এই অমূল্য রত্ন প্রদান করে গেলেন, ইনিই বা কে ? (পটের প্রতি দৃষ্টি নিক্ষেপ ও নিশ্বাস পরিত্যাগ করিয়া) হে প্রাণেশ্বর, তুমি অন্ধকারময় রাত্রে যে গৃহস্থের মন চুরি করেছ, সে তোমাকে এই মিনতি কচ্যে যে তুমি নির্ভয় হয়ে তার আর যা কিছু অবশিষ্ট আছে, তাও এসে অপহরণ কর।

নেপথ্যে। রাজনন্দিনী যে এখনও এলেন না? তিনি না এলে ত আমরা গাইতে আরম্ভ করবো না।

পদ্মা। (স্বগত) হায়! আমার এমন দশা কেন ঘটলো? হে স্বপ্নদেবি, এ যদি তোমারই লীলা হয়, তবে তুমি এ দাসীকে আর বৃথা যন্ত্রণা দিও না। (দীর্ঘনিশ্বাস পরিত্যাগ করিয়া) তা আমি এ সকল কথা কি এ জন্মে আর ভুলতে পারবো?

(পরিচারিকার পুনঃপ্রবেশ ।)

পরি। রাজনন্দিনি, আপনি না এলে ওরা কেউ গাইতে চায় না। আর নিপুণিকাও আপনার বীণার সুর বেঁধেচে।

পদ্মা। তবে চল।

[উভয়ের প্রস্থান ।

(শচী এবং মুরজার প্রবেশ ।)

শচী। (সরোষে) সখি, রতিকে ত তুমি ভাল করে চেন না। ওর অসাম্য কর্ম্ম কি আছে? দেখ, রুদ্রদেব রাগলে ভগবতী পার্শ্বতীও তাঁর নিকটে যেতে ভয় পান, কিন্তু রতি অনায়াসে তাঁর কাছে গিয়ে কেঁদে কেঁদে চক্কর জলে তাঁর কোপানল নির্বাণ করে। রতি ফাঁদ পাতলে তাতে কে না পড়ে? অমরকূলে এমন মেয়ে কি আর ছুটি আছে?

মুর। তা ও এখানে এসে কি করেছে?

শচী। কি না করেছে? এই মাহেশ্বরীপুত্রী রাজা যজ্ঞসেনের মেয়ে পদ্মাবতীর মতন সুন্দরী নারী পৃথিবীতে নাই। রতি এই মেয়েটির সঙ্গে ছুটি ইন্দ্রনীলের বিবাহ দেবার চেষ্টা পাচ্ছে। সখি, ইন্দ্রনীলকে যদি রতি এই জ্বরিত দান করে, তবে আমাদের কি আর মান থাকবে?

মুর। তার সন্দেহ কি? তা ও কি প্রকারে এ চেষ্টা পাচ্ছে, তার কিছু শুনেছ?

শচী। শুনবো না কেন? ও প্রতি রাতে এসে ইন্দ্রনীলের বেশ ধর্যে

পদ্মাবতীকে স্বপ্নযোগে আলিঙ্গন দেয়, স্নতরাং মেয়েটিও একেবারে ইসলামীলের
জন্তে যেন উদ্ভাস্তা হয়ে উঠেছে।

মুর। বাঃ, রতির কি বুদ্ধি ?

শচী। বুদ্ধি ? আর শোন না। আবার রাজলক্ষ্মীর বেশ ধারণ করয়ে
ও গত রাত্রে রাজা যজ্ঞসেনকে স্বপ্নে বলেছে যে যদি পদ্মাবতীর স্বয়ম্বর
অতিশীঘ্র মহা সমারোহে না হয় তবে সে শ্রীভ্রষ্ট হবে।

মুর। কি আশ্চর্য্য ! স্বয়ম্বর হলেই ত ইসলামীল অবশ্যই আসবে।
আর ইসলামীলকে দেখবামাত্রই পদ্মাবতী তাকেই বরণ করবে।

শচী। তা হলে আমরা গেলেম ! পৃথিবীতে কি আর কেউ আমাদের
মানবে না পূজা করবে ? সখি, তোমাকে আর কি বলবো। এ কথা মনে
পড়লে রাগে আমার চক্ষু জল আসে। আর দেখ, রাজা যজ্ঞসেন মন্ত্রীদেব
লয়ে আজ এই স্বয়ম্বরের বিষয়ে বিচার কচ্যে।

মুর। তবে ত আর সময় নাই। তা এখন কি কর্তব্য ?—ও কি ও ?
(নেপথ্যে বহুবিশ যন্ত্রধ্বনি) আহা ! কি মধুর ধ্বনি। সখি, একবার কাণ
দিয়ে শোন। * তোমার অমরাবতীতেও এমন মধুর ধ্বনি দুর্লভ।

শচী। আঃ, তুমিও যেমন। ও সকল কি আর এখন ভাল লাগে ?

নেপথ্যে। তুই, সই, আরস্ত কর্ না কেন ?

নেপথ্যে। চূপ্ কর্ লো—চূপ্ কর্। ঐ শোন, রাজনন্দিনী আরস্ত
কচ্যেন। (বীগাধ্বনি।)

নেপথ্যে। আহা ! রাজনন্দিনি, তুমি কি ভগবতী বিগাপাণির বিগাটা
একেবারে কেড়ে নেছ গা ?

নেপথ্যে। মর্, এত গোল করিস্ কেন ?

নেপথ্যে। (গীত।)

থাধাজ—মধ্যমান।

কেন হেরেছিলাম তারে।

বিষম প্রেমের জ্বালা বুঝি ঘটিল আমারে ॥

সহজে অবোধ মন, না জানে প্রেম কেমন,
সাথে হয়ে পরাধীন, নিশিদিন ভাবে পরে ।
কত করি ভুলিবারে, মন তা তো নাহি পারে,
যবে যে ভাবনা করে, সে জাগে অন্তরে ।
শরমে মরম ব্যথা, নারি প্রকাশিতে কোথা,
জড়ের স্বপন যথা, মরমে মরি গুমরে ॥

মুর। শচী দেবি, আমরা কি নন্দনকাননে উর্ব্বশী আর চারুনেত্রীর
মধুর স্বর শুনে মোহিত হলেম ?

শচী। সখি, তুমিও কি এই প্রজ্বলিত হৃতাশনে আছতি দিতে প্রবৃত্ত
হলে ? দেখ, যদি রতির মনস্কামনা সুসিক্ত হয়, তবে এই সুধারস ছুট
ইন্দ্রনীলই দিবারাত্র পান করবে। (দীর্ঘনিশ্বাস পরিত্যাগ করিয়া) সখি
যক্ষেশ্বর, আমার মতন হতভাগিনী কি আর ছুটি আছে ? লোকে আমাকে
বুখা ইন্দ্রাণী বলে। আমার পতি বজ্রদ্বারা কত শত উন্নত পর্ব্বতশৃঙ্গকে চূর্ণ
করে উড়িয়ে দেন ; কত শত বিশাল তরুরাজকে ভস্ম করে ফেলেন ; কিন্তু
আমি, দেখ, একজন অতিক্রুদ্ধ মানবকেও যৎকিঞ্চিৎ দণ্ড দিতে পারলেম না।
হায় ! আমার বেঁচে আর সুখ কি !

মুর। তবে, সখি, তোমার কি এই ইচ্ছা যে, ইন্দ্রনীলকে শাস্তি দেবার
জন্তে এ সুশীলা মেয়েটিকেও কণ দেবে ?

শচী। কেন দেব না ? পরমাত্ম চণ্ডালকে দেওয়া অপেক্ষা জলে ফেলে
দেওয়াও ভাল। দেখ, ছুটদমনের নিমিত্তে বিধাতা সময়বিশেষে ভগবতী
পৃথিবীকেও জলমগ্না করেন।

মুর। তবে, সখি, চল, আমরা কলিদেবের কাছে যাই, তিনি এ বিষয়ের
একটা না একটা উপায় অবশ্যই করে দিতে পারবেন।

শচী। (চিন্তা করিয়া) হ্যাঁ, এ যথার্থ কথা। কলিদেবই এ বিষয়ে
আমাদের সাহায্য কতে পারবেন। তা সখি, চল, আমরা শীঘ্র তাঁরই
কাছে যাই।

[উভয়ের প্রস্থান।]

দ্বিতীয় গর্ভাঙ্ক

মাহেশ্বরীপুরী—রাজনিকেতন ।

(কঙ্কুর প্রবেশ ।)

কঙ্কু । (স্বগত) আহা ! শৈলেন্দ্রের গলে শোভে যে রতন—

সে অমূল ধন কভু সহজে কি তিনি
প্রদান করেন পরে ? গজরাজ-শিরে
ফলে যে মুকুতারাজি, কে লভয়ে কবে
সে মুকুতারাজি, যদি না বিদরে আগে
সে শিরঃ ? সকলে জানে, সুরাসুর মিলি
মথিয়া কত যতনে সাগর, লভিলা
অমৃত—কত পীড়নে পীড়ি জলনিধি !
হায় রে, কে পীরে পরে দিতে ইচ্ছা করি,
যে মণিতে গৃহ তার উজ্জল সতত । (চিন্তা করিয়া)
বিধির এ বিধি কিন্তু কে পারে লজ্জিতে ?—
ছায়ায় কি ফল কবে দরশে তরুর ?
সরোবরে ফুটিলে কমল, লোকে তারে
তুলে লয়ে যায় সুখে ! মলয়-মারুত,
কুসুম-কানন-ধন সুরভিরে হরি,
দেশ দেশান্তরে চলি যান কুতূহলে ।
হিমাশ্রির কনক ভবন ত্যজি সতী—
ভবভাবিনী ভবানী—ভঞ্জন ভবেশে । (পরিক্রমণ)
যার ঘরে জনমে হুহিতা, এ যাতনা
ভোগী সে ! (দীর্ঘনিশ্বাস)—

প্রভো, তোমারই ইচ্ছা ! যা হোক, মহারাজ যে এখন রাজনন্দিনী
পদ্মাবতীর স্বয়ম্বরে সম্মত হয়েছেন, এ পরম আশ্লাদের বিষয় । এখন

জগদীশ্বর এই করুন যে কন্ঠাটি যেন একটি উপযুক্ত পাত্রের হাতেই পড়ে ।
(নেপথ্যাভিমুখে অবলোকন করিয়া প্রকাশে) কে ও ?

(সখীর প্রবেশ ।)

বসুমতী না ? আরে এস, দিদি এস ! আমি বৃদ্ধ ব্রাহ্মণ—কালক্রমে
প্রায়ই অন্ধ হয়েছি, কিন্তু তবু ও পূর্ণশশীর উদয় হলো তাঁকে চিনতে পারি ।
এস এস ।

সখী । ঠাকুরদাদা, প্রণাম করি ।

কণ্ঠ । কল্যাণ হউক্ ।

সখী । মহাশয়, আমার প্রিয়সখীর নাকি স্বয়ম্বর হবে ?

কণ্ঠ । এ কথা তোমাকে কে বল্যে ?

সখী । যে বলুক না কেন ? বলি এ সত্য ত ?

কণ্ঠ । বাঃ, কেমন করে সত্য হবে ? তোমার প্রিয়সখী ত আর
পাঞ্চালীন নন যে তাঁর পঞ্চ 'স্বামী' হবে । আমি বেঁচে থাকতে তাঁর কি
আর বিবাহ হতে পারে ? গৌরী কি হরকে বৃদ্ধ বল্যে ত্যাগ কতো
পারেন ? (হাস্ত ।)

সখী । (স্বগত) দূর বৃড়ে । (হস্তধারণ করিয়া প্রকাশে) ঠাকুরদাদা,
আপনার পায়ে পড়ি, বলুন না, এ কথাটা কি সত্য ?

কণ্ঠ । আরে কর কি ? পায়ে হাত দিও না । তুমি কি জান না,
নীরস তরুকে দাবানল স্পর্শ করলে, সে যে তৎক্ষণাৎ জ্বলে যায় ।

সখী । তবে আমি চল্যেম ।

কণ্ঠ । কেন ?

সখী । এখানে থেকে আবশ্যক কি ? আপনার কাছে ত কোন কথাটিই
পাওয়া যায় না ।

কণ্ঠ । (হাস্তবদনে) আরে, আমি রাজসংসারে চাকুরী করে বৃড়ে
হয়েছি । আমাকে ঘুম না দিলে কি আমার দ্বারা কোন কৰ্ম হতে পারে ?
ঘানিগাছে তেল না দিলে সে কি সহজে ঘোরে ?

সখী। আচ্ছা! রাজমাতার জন্তে সোণার হামান্দিস্তায় যে পান মসলা দিয়ে ছেঁচে, তাই আপনাকে না হয় একটু এনে দেব? তা হলে ত হবে?

কণ্ঠু। সুছ পান নিয়ে কি হবে? মিঠাই টিঠাই কিছু দিতে পার কি না?

সখী। হাঁ! পারবো না কেন?

কণ্ঠু। তবে বলি। এ কথা যথার্থ। তোমার প্রিয়সখীর স্বয়ম্বর হবে।

সখী। (ব্যগ্রভাবে) হ্যাঁ মহাশয়, কবে হবে?

কণ্ঠু। অতি শীঘ্রই হবে। মহারাজ মন্ত্রিবরকে স্বয়ম্বরের সমুদয় আয়োজন কত্বে অনুমতি করেছেন। আর কাল প্রাতে দূতেরা নিমন্ত্রণপত্র লয়ে দেশ দেশান্তরে যাত্রা করবে। দেখো, এ পদ্মের গন্ধে অলিকুল একেবারে উন্মত্ত হয়ে উড়ে আসবে। ও কি ও! তুমি যে কাঁদতে আরম্ভ কল্যে। তোমাকে ত আর স্বস্তরবাড়ী যেতে হবে না।

সখী। (চক্ষু মুছিয়া) কৈ? আমি কাঁদছি আপনাকে কে বললে? (রোদন।)

কণ্ঠু। আরে ঐ যে। কি উৎপাত! তা তোমার জন্তেও না হয় একটা বর ধরে দেব, তার নিমিত্তে ভাবনা কি? তোমার প্রিয়সখী ত আর সকলকে বরণ করবেন না। আর যদি তুমি রাজকূলে বিয়ে কতো না চাও—তবে শর্মা ত রয়েছেন।

সখী। আঃ, যাও, মিছে ঠাট্টা করো না। (রোদন।)

(পরিচারিকার প্রবেশ।)

পরি। কণ্ঠুকী মহাশয়, প্রণাম করি।

কণ্ঠু। এস, কল্যাণ হউক। (স্বগত) এ গস্তানী আবার কোথথেকে এসে উপস্থিত হলো? কি আপদ! এ যে গঙ্গায় আবার যমুনা এসে পড়লেন। এখন ত আর জলের অভাব থাকবে না।

সখী। মাধবি, প্রিয়সখী যথার্থই এত দিনের পর আমাদের ছেড়ে চল্লেন। (রোদন।)

পরি। (ব্যগ্রভাবে) কেন, কেন ? কি হয়েছে ?

সখী। আমরা যে স্বয়ম্বরের কথা শুনেছিলাম, সে সকলই সত্য হলো।
(রোদন।)

কঞ্চু। (স্বগত) আহা! শ্রীশয়পদ্যের মৃগালে যে কণ্টক জন্মে, সে কি সামান্য তীক্ষ্ণ ? আর তার বেঁধনে যে প্রাণ কি পর্য্যন্ত ব্যথিত হয়, তা সে বেদনা যে সহ্য করেছে, সেই কেবল বলতে পারে। (প্রকাশে) আরে, তোরা যে কেঁদেই অস্থির হলি! এমন কথা শুনে কি কাঁদতে হয় ? রাজনন্দিনী কি চিরকাল আইবড় থাকলে তোরা সুখী হবি ?

পরি। বালাই! তাঁর শত্রু আইবড় থাকুক, তিনি থাকবেন কেন ?

কঞ্চু। তবে তোরা কাঁদিস্ কেন লা ?

পরি। তুমিও যেমন। কে কাঁদচে ? তুমি কাণা হলে না কি ?

কঞ্চু। তবে তুই, ভাই, একবার হাস্ ত, দেখি ?

পরি। হাসবো না কেন ? এই দেখ (হাস্য ও রোদন।)

কঞ্চু। বেশ। ওলো মাধবি, লোকে বলে রৌদ্রে বৃষ্টি হলে খেঁকশিয়ালীর
বিষে হয়, তা আমি দেখ্চি তোরও বিষে অতি নিকট।

পরি। কেন ? আমি কি খেঁকশিয়ালী। যাও, মিছে গাল দিও না।

সখী। ওলো মাধবি, চল্ আমরা যাই।

পরি। চল।

[উভয়ের ক্রন্দন করিতে করিতে প্রস্থান।]

কঞ্চু। (স্বগত) আমাদের পদ্মাবতীর রূপ লাভণ্য দেখলে কোন মতেই বিশ্বাস হয় না যে, এর মানবকুলে জন্ম। সৌদামিনী কি কখন ভুলে উৎপন্ন হয় ? আর এ যে কেবল সৌন্দর্য্য গুণে চক্ষের মুখকরী মাত্র, তা নয়,— এমন দয়াশীলা পরোপকারিণী কামিনী কি আর আছে ? আর তা না হবেই বা কেন ? পারিজাত পুষ্প কি কখন সৌরভহীন হতে পারে ? আহা ! এ মহার্হ রত্ন কোন রাজগৃহ উজ্জ্বল করবে হে ?

নেপথ্যে বৈতালিক।

গীত।

পরজ কালংড়া—একতালা।

অপরূপ আজিকার রাজসভা শোভিল !

জিনি অমরাপুরী, নুপপুর হইতেছে ;

বিভবে সুরেন্দ্র লাজ পাইল ॥

মোহনমুরতি অতি রাজন রাজিছে,

রতিপতি ভাতি হেরি মোহিল।

তুলনা দিবার তরে, রজনী সে আপনি

শশীরে সাজ্জায়ে ধনী আনিল ॥

কণ্ঠ। (স্বগত) এই ত মহারাজ সভা হতে গাত্রোথান কল্যেন।

এখন যাই, আপনার কৰ্ম দেখিগে।

[প্রস্থান।

ইতি দ্বিতীয়াক্ষর।

তৃতীয়াক্ষ

প্রথম গর্ভাক্ষ

মাহেশ্বরীপুরী—রাজনিকেতন-সম্মিধানে মগনোস্থান ।

(ছদ্মবেশে রাজা ইন্দ্রনীল এবং বিদূষকের প্রবেশ ।)

রাজা । সখে মাগবক ।

বিদূ । মহারাজ—

রাজা । আরে ও আবার কি ? আমি একজন বণিক্ ; তুমি আমার মিত্র ; আমরা দুজনে এই মাহেশ্বরীপুরীর রাজকন্যা পদ্মাবতীর স্বয়ম্বর-সমারোহ দেখবার জন্তেই এ রাজ্যে এসেছি—

বিদূ । আজ্ঞা—আর বলতে হবে না ।

রাজা । তবে তুমি এই শিলাতলে বসো, আমি ঐ দেবালয়ের নিকটে সরোবর থেকে একটু জল পান করে আসি । আঃ, এই নগর ভ্রমণ করে আমি যে কি পর্য্যন্ত ক্লান্ত হয়েছি তার আর কি বলবো ।

বিদূ । তবে আপনি কেন এখানে বসুন না, আমিই আপনাকে জল এনে দিচ্ছি । ব্রাহ্মণের জল খেলে ত আর বেণের জাত যায় না ।

রাজা । (সহাস্ত বদনে) সখে, তা ত যায় না বটে, কিন্তু জল আনবে কিসে করে ? এখানে পাত্র কোথায় ? তুমি ত আর পবনপুত্র হনুমান্ নও, যে ঔষধ না পেয়ে একবারে গন্ধমাদনকে উপ্ড়ে এনে ফেলবে ! তা তুমি থাক, আমি আপনাই যাই ।

[প্রস্থান ।

বিদূ । (স্বগত) হায় ! আমার কি ছরদৃষ্ট ! দেখ, এই মাহেশ্বরীপুরীর রাজার মেয়ের স্বয়ম্বর হবে বল্যো, প্রায় এক লক্ষ রাজা এখানে এসে উপস্থিত হয়েছে ; আর এই নগরের চারি দিকে যে কত তাগু আর কানাত পড়েছে তার সংখ্যা নাই । কত হাতী, কত ঘোড়া, কত উট, কত রথ, আর যে

কত লোকজন এসে একত্র হয়েছে তা কে গুণে ঠিক কত্যা পারে ? আর কত শত স্থানে যে নট নটীরা নৃত্যগীত কচ্যে তা বলা দুষ্কর। আর যেমন বর্ষাকালে জল পর্বত থেকে শত স্রোতে বেরিয়ে যায়, রাজভাণ্ডার থেকে সিদেপত্র তেমনিই বেরুচ্যে। আহা! কত যে চাল, কত যে ডাল, কত যে তেল, কত যে লবণ, কত যে ঘি, কত যে সন্দেশ, কত যে দই, কত যে দুধ, ভারে ভারে আসুচে যাচে তা দেখলে একেবারে চক্ষুঃস্থির হয়। রাজাবেটার কি অতুল ঐশ্বর্য্য! (দীর্ঘনিশ্বাস পরিত্যাগ করিয়া) তা দেখ, এ হতভাগা বামণের কপালে এর কিছুই নাই। আমাদের মহারাজ কল্যেন কি, না সঙ্কে যত লোকজন এসেছিল তাদের সকলকে দূরে রেখে কেবল আমাকে লয়ে ছদ্মবেশে এ নগরে এসে ঢুকেছেন। এতে যে গুঁর কি লাভ হবে তা উনিই জানেন। তবে লাভের মধ্যে আমি দরিদ্র ব্রাহ্মণ আমার দক্ষিণাটি দেখছি লোপাপত্তি হবে। হায়! এ কি সামান্য দুঃখের কথা? (চিন্তা করিয়া) মহারাজ একটা মেয়েমানুষকে স্বপ্নে দেখে এই প্রতিজ্ঞা করে বসেছেন, যে তাকে না পেলে আর কাকেও বিয়ে করবেন না। হায়! দেখ দেখি, এ কত বড় পাগলামি। আর—আমি যে রাত্রি স্বপ্নে নানা রকম উপাদেয় মিষ্টান্ন খাই তা বল্যে কি আমার ব্রাহ্মণী যখন খোড় ছেঁচুকি, কি কাঁচকলা ভাতে, কি বেগুন পোড়া এনে দেয়, তখন কি সে সব আমি না খেয়ে পাতে ঠেলে রেখে দি? সাগর সকল জলই গ্রহণ করেন। অগ্নিদেবকে যা দাও তাই তিনি চক্ষুর নিমিষে পরিপাক কর্যে ভস্ম করে ফেলেন।

(রাজার পুনঃপ্রবেশ।)

রাজা। কি হে সখে মাণবক, তুমি যে একেবারে চিন্তাসাগরে মগ্ন হয়ে রয়েছো?

বিদু। মহারাজ—

রাজা। মনু বানর। আবার?

বিদু। আজ্ঞা—না। তা আপনার এত বিলম্ব হলো কেন?

রাজা। সখে, আমি এক অদ্ভুত স্বয়ম্বর দেখতেছিলেম।

বিদু। বলেন কি ? কোথায় ?

রাজা। সখে, ঐ সরোবরে কমলিনী আজ যেন স্বয়ম্বর হয়েছেন। আর তার পাণিগ্রহণ লোভে ভগবান্ সহস্ররশ্মি, মলয়মাকুত, অলিরাজ, আর রাজহংস—ঐরা সকলেই এসে উপস্থিত হয়েছেন। আর কত যে কোকিলকুল মঙ্গলধ্বনি কচ্যে তা আর কি বলবো ? এসো সখে, আমরা ঐ সরোবরকূলে যাই।

বিদু। ভাল—মহাশয়, আপনি যে আমাকে নিমন্ত্রণ কচ্যেন, তা বলুন দেখি, আমার দক্ষিণা কে দেবে ?

রাজা। কেন ? কমলিনী আপনিই দেবে। তার সুরভি মধু দিয়ে সে যে তোমার চিত্তবিনোদ করবে তার কোন সন্দেহ নাই।

বিদু। হা! হা! হা! (উচ্চহাস্য) মহাশয়, আমি ব্রাহ্মণ, আমার কাছে কি ও সব ভাল লাগে ? হয় টাকাকড়ি—নয় খাণ্ড দ্রব্য—এই ছুটার একটা না একটা হলে কি আমি উঠি।

রাজা। চল হে, চল, না হয় আমিই দেব।

বিদু। হাঁ—এ শোনবার কথা বটে। তবে চলুন।

[উভয়ের প্রস্থান।

(সখী এবং পরিচারিকার প্রবেশ।)

সখী। মাধবি, আমি ত আর চলতে পারি না। উঃ, আমার জন্মেও আমি কখন এত হাঁটি নাই। আমার সর্ব্বাঙ্গে যে কত বেদনা হয়েছে, তার আর বলবো কি ? বোধ করি, আমাকে এখন চারি পাঁচ দিন বৃষ্টি কেবল বিছানাতেই পড়ে থাকতে হবে।

পরি। ও মা! সে কি ? রাজনন্দিনীর স্বয়ম্বরের আর ছুটি দিন বই ত নাই! তা তুমি পড়ে থাকলে কি আর কর্ম্ম চলবে ?

সখী। না চললে আমি কি করবো ? আমার ত আর পাষণের শরীর নয়।

পরি। সে কিছু মিছে কথা নয়।

সখী। (পট অবলোকন করিয়া) দেখ, আমি প্রিয়সখীকে না হবে ত
প্রায় সহস্র বার বলেছি যে এ প্রতিমূর্ত্তি কখনই মনুষ্যের নয়, কিন্তু আমার
কথায় তিনি কোন মতেই বিশ্বাস করেন না।

পরি। কি আশ্চর্য্য! এই যে আমরা আজ সমস্ত দিন বেড়িয়ে
বেড়িয়ে প্রায় এক লক্ষ রাজা দেখে এলেম, এদের মধ্যে এমন একটি পুরুষ
নাই যে তাকে এর সঙ্গে এক মুহূর্ত্তের জঘোও তুলনা করা যায়। হায়, এ
মহাপুরুষ কোথায়?

সখী। সুমেরুপর্ব্বত যে কোথায় তা কে বলতে পারে? কনকলঙ্কা কি
লোকে আর এখন দেখতে পায়?

পরি। তা সত্য বটে। তবে এখন কি করবে?

সখী। আর কি করবো! আয়, এই উদ্যানে একটুখানি বিশ্রাম করে
প্রিয়সখীর কাছে এ সকল কথা বলিগে। (শিলাতলে উপবেশন।)

পরি। আহা! রাজনন্দিনীকে এ কথা কেমন করে বলবে? এ
কথা শুনলে তিনি যে কত দুঃখিত হবেন, তা মনে পড়লে আমার চখে জল
আসে।

সখী। তা এ মায়ার হেমমৃগ ধরা তোর আমার কৰ্ম্ম নয়। এ যে
একবার দেখা দিয়ে, কোন্ গহন কাননে গিয়ে পালিয়ে রইলো, তা কে
বলতে পারে? জগদীশ্বর এই করুন, যেন প্রিয়সখী এর প্রতি শোভা করো
অবশেষে সীতা দেবীর মতন কোন ক্রেশে না পড়েন। এ যে দেবমায়ী তার
কোন সন্দেহ নাই। (পরিচারিকার প্রতি) তুই যে বসছিঁসু না? তোর
কি এত হেঁটেও কিছু পরিশ্রম হয় নাই?

পরি। হয়েছে বই কি! কিন্তু রাজনন্দিনীর দুঃখের কথা ভাবলে
আর কোন দুঃখই মনে পড়ে না। যে গায়ে সাপের বিষ প্রবেশ করেছে, সে
কি আর বিছের কামড়ে জ্বলে। (সখীর নিকটে ভুতলে উপবেশন) এখন
এ স্বয়ম্বরটা হয়ে গেলেই বাঁচি।

সখী। তুই দেখিসু এ স্বয়ম্বরে কোন না কোন একটা ব্যাঘাত অবশ্যই
ঘটে উঠবে।

পরি। বালাই! এমন অমঙ্গল কথা কি মুখে আনতে আছে ?

সখী। তুই প্রিয়সখীর প্রতিজ্ঞা ভুলে গেলি না কি ? তোর কি মনে নাই যে যদি এ লক্ষ রাজার মধ্যে, তিনি যে মহাপুরুষকে স্বপ্নে দেখেছেন, তাঁর সেই প্রাণেশ্বরকে না পান তবে তিনি আর কাকেও বরণ করবেন না ?

নেপথ্যে। (উচ্ছ্বাস)।

সখী। (নেপথ্যাভিমুখে অবলোকন করিয়া সচকিতে) ও আবার কি ?

পরি। কেন, কি হলো ? (উভয়ের গাত্রোথান ।)

পরি। (সত্রাসে) ও মা ! চল আমরা এখান থেকে পালাই। এ মহাস্বয়ম্বরে যে কত দেব, দানব, যক্ষ, রক্ষঃ এসে উপস্থিত হয়েছে, তা কে বলতে পারে ? এ নিৰ্জ্জন বনে—

সখী। চুপ্ কর লো। চুপ্ কর। আর ঐ দেখ্—

পরি। (নেপথ্যাভিমুখে অবলোকন করিয়া) কি আশ্চর্য্য ! ঐ না পুষ্করিণীর ধারে ছই জন পুরুষমানুষ বসে রয়েছে ? আহা ! ওদের মধ্যে একজনের কি অপরূপ রূপলাবণ্য !

সখী। (পট অবলোকন করিয়া) মাধবি, এতক্ষণের পর, বোধ করি, আমাদের পরিশ্রম সফল হলো। ঐ সুন্দর পুরুষটির দিকে একবার বেশ করে চেয়ে দেখ্ দেখি।

পরি। তাই ত ! কি আশ্চর্য্য ! এ কি গগনের চাঁদ ভূতলে এসে উপস্থিত হলেন ?

সখী। (সপুলকে) এ ত গগনের চন্দ্র নয়, এ যে আমার প্রিয়সখীর হৃদয়াকাশের পূর্ণচন্দ্র।

পরি। (পট অবলোকন করিয়া) তাই ত ? এ কি আশ্চর্য্য ! তা ঔঁকে যে রাজবেশে দেখ্চি না।

সখী। তাতে বয়ে গেল কি ? (চিন্তা করিয়া) মাধবি, তুই এক কৰ্ম কর। তুই অস্ত্রপুরে দৌড়ে গিয়ে, প্রিয়সখীকে একবার এখানে ডেকে আনগে। যদিও ঐ মহাপুরুষ মনুষ্য না হন, তবু প্রিয়সখী ঔঁকে একবার চক্ষে দর্শন কর্যে জন্ম সফল করন্।

পরি। রাজনন্দিনী কি এখন অস্তঃপুর হতে একলা আসতে পারবেন ?
 সখী। তুই একবার যেয়ে দেখেই আয় না কেন। যদি আসতে
 পারেন ভালই ত, আর না পারেন আমরা ত দোষ হতে মুক্ত হলেম।
 পরি। বলেছ ভাল, এই আমি চললেম।

[প্রস্থান।

সখী। (নেপথ্যাভিমুখে অবলোকন করিয়া স্বগত) ইনি কি মনুষ্য
 না কোন দেবতা, মায়াবলে মানবদেহ ধারণ করে এই স্বয়ম্বর দেখতে
 এসেছেন ? হায়, এ কথা আমি কাকে জিজ্ঞাসা করবো ? এখন প্রিয়সখী
 এলে বাঁচি। আহা! বিধাতা কি এমন সুন্দর বর প্রিয়সখীর কপালে
 লিখেছেন ?

(পদ্মাবতীর সহিত পরিচারিকার পুনঃপ্রবেশ।)

পদ্মা। সখি, তুমি আমাকে ডেকে পাঠিয়েছ কেন ? কি সংবাদ, বল
 দেখি শুনি ?

সখী। সকলই সুসংবাদ। তা এসো এই শিলাতলে বসো।

পদ্মা। সখি, আমার প্রাণনাথ কি তোমাকে দর্শন দিয়েছেন ?

(উপবেশন।)

সখী। (পদ্মাবতীর নিকটে উপবেশন করিয়া) হ্যাঁ—দিয়েছেন।

পদ্মা। (ব্যগ্রভাবে সখীর হস্ত ধারণ করিয়া) সখি, তুমি তাঁকে কোথায়
 দেখেছ ?

সখী। (সহাস্ত বদনে) প্রিয়সখি, তুমি স্থির হয়ে ঐ অশোকবনের
 দিকে একবার চেয়ে দেখ দেখি।

পদ্মা। কেন ? তাতে কি ফললাভ হবে ?

সখী। বলি দেখেই না কেন ?

পদ্মা। (নেপথ্যাভিমুখে অবলোকন করিয়া) ঐ ত ভগবান্ অশোক-
 বৃক্ষ বসন্তের আগমনে যেন আপনার শতহস্তে পুষ্পাঞ্জলি ধারণ করো,
 ঋতুরাজের পূজা করবার অপেক্ষায় দাঁড়িয়ে রয়েছেন।

সখী। ভাল, বল দেখি, ঋতুরাজ বসন্ত কোথায় ?

পদ্মা। সখি, এ কি পরিহাসের সময় !

সখী। পরিহাস কেন ? ঐ বেদিকার দিকে একবার চেয়ে দেখ দেখি ?

পদ্মা। (নেপথ্যাভিমুখে অবলোকন করিয়া) সখি, আমি কি আবার নিজায় আবৃত হয়ে স্বপ্ন দেখতে লাগলেম ? (আশ্চর্য) হে হৃদয়, এত দিনের পর কি তোমার নিশাবসান কত্রে তোমার দিনকর উদয়াচলে দর্শন দিলেন। (প্রকাশে) সখি ! তুমি আমাকে ধর— (অচেতন হইয়া সখীর ক্রোড়ে পতন।)

সখী। হায় ! এ কি হলো ? প্রিয়সখী যে সহসা অচেতন হয়ে পড়লেন। (পরিচারিকার প্রতি) মাধবি, তুই শীঘ্র গিয়ে একটু জল আন ত।

পরি। এই যাই।

[বেগে প্রস্থান।]

সখী। (স্বগত) হায় ! আমি প্রিয়সখীকে এ সময়ে এ উদ্যানে ডাকিয়ে এনে এ কি কল্যেম ?

(বেগে রাজার পুনঃপ্রবেশ।)

রাজা। এ কি ? সুন্দরি ! এ স্ত্রীলোকটির কি হয়েছে ?

সখী। মহাশয় এঁর মূর্ছা হয়েছে।

রাজা। কেন ?

সখী। তা আমি এখন আপনাকে বলতে পারি না।

রাজা। (স্বগত) লোকে বলে যে পূর্ণশশীর উদয় হলে সাগর উথলিত হন, তা আমারও কি সেই দশা ঘটলো ! (পুনরবলোকন করিয়া) এ কি ? এই যে আমার মনোমোহিনী, বাঁকে আমি স্বপ্নযোগে কয়েক বার দর্শন করেছিলাম। তা দেবতার কি এত দিনের পর আমার প্রতি সুপ্রসন্ন হয়ে আমার হৃদয়নিধি মিলিয়ে দিলেন।

পদ্মা। (চেতন পাইয়া দীর্ঘনিশ্বাস পরিত্যাগ।)

রাজা। (সখীর প্রতি) শুভে, যেমন নিশাবসানে সরসীতে নলিনী উন্মীলিতা হয়, দেখ, তোমার সখীও মোহান্তে আপন কমলাক্ষি উন্মীলন কল্যেন। আহা! ভগবতী জাহ্নবী দেবী, ভগ্নতট-পতনে কিঞ্চিৎ কালের নিমিত্তে কলুষা হয়ে, এইরূপেই আপন নির্মল শ্রী পুনর্ধারণ করেন।

পদ্মা। (গাত্রোত্থান করিয়া মূহুরস্বরে সখীর প্রতি) সখি, চল, আমরা এখন অহঃপুরে যাই। এ উদ্যানে আমাদের আর থাকা উচিত হয় না।

রাজা। (স্বগত) আহা! এও সেই মধুর স্বর। আমার বিবেচনায় তৃষ্ণাতুর ব্যক্তির কর্ণে জলশ্রোতের কলকল ধ্বনিও এমন মিষ্ট বোধ হয় না। (প্রকাশে সখীর প্রতি) সুন্দরি, তোমার প্রিয়সখী কি আমার এখানে আসাতে বিরক্ত হলেন?

সখী। কেন? বিরক্ত হবেন কেন?

রাজা। তবে যে উনি এখান থেকে এত স্বরায় যেতে চান?

সখী। আপনি এমন কথা কখনই মনে করবেন না। তবে কি না আমরা এখন সকলেই ব্যস্ত।

রাজা। শুভে, তবে তুমি তোমার এ পরমসুন্দরী সখীর পরিচয় দিয়া আমাকে চরিতার্থ করে যাও।

সখী। মহাশয়, ইনি রাজনন্দিনী পদ্মাবতীর একজন সখী মাত্র।

রাজা। কি আশ্চর্য্য! আমরা জানি যে বিধাতা কমলিনীকেই পুষ্পকুলের ঈশ্বরী করে সৃষ্টি করেছেন। তা তাঁর অপেক্ষা কি আরও সুচারু পুষ্প পৃথিবীতে আছে?

পদ্মা। (স্বগত) আহা! প্রাণনাথ কি মিষ্টভাষী! তা ভগবান্ গন্ধমাদন কি কখন সৌরভহীন হতে পারেন?

সখী। মহাশয়! আপনি যদি এ দাসীর অপরাধ মার্জনা করেন তবে আমি আপনাকে একটি কথা জিজ্ঞাসা করি?

রাজা। তাতে দোষ কি? যদি আমি কোন প্রকারে তোমাদের মনোরঞ্জন করতে পারি, তবে তা অপেক্ষা আমার আর সৌভাগ্য কি?

সখী। মহাশয়, কোন্ রাজধানী এখন আপনার বিরহে কাতরা হয়েছে, এ কথা আপনি অনুগ্রহ করে আমাদের বলুন।

পদ্মা। (স্বগত) এতক্ষণের পর বসুমতী আমার মনের কথাটিই জিজ্ঞাসা করেছে।

রাজা। (সহাস্র বদনে) সুন্দরি, আমার বিদর্ভনাম্নী মহানগরীতে জন্ম। সে নগরের রাজা ইন্দ্রনীলের সঙ্গে আমি তোমাদের রাজনন্দিনীর স্বয়ম্বর-মহোৎসব দেখবার নিমিত্তেই এ দেশে এসেছি।

পদ্মা। (স্বগত) এ কি অসম্ভব কথা! এঁর কি তবে রাজকুলে জন্ম নয়?

(জল লইয়া পরিচারিকার পুনঃপ্রবেশ।)

সখী। তোমার এত বিলম্ব হলো কেন?

পরি। আমাকে ঘটীর জন্তে অন্তঃপুর পর্য্যন্ত দৌড়ে যেতে হয়েছিল।

সখী। তা সত্য বটে। তা এ কথা ত অন্তঃপুরে কেউ টের পায় নাই।

পরি। না, এ কথা কেউ টের পায় নাই, কিন্তু ওরা সকলে মদনের পূজা কতো আসুচে।

সখী। তবে চল, আমরা যাই।

রাজা। (সখীর প্রতি) সুন্দরি, আমি কি তবে তোমাদের চন্দ্রাননের আর এ জন্মে দর্শন পাব না?

পদ্মা। (সখীর প্রতি লক্ষ্য করিয়া ব্রীড়া সহকারে) প্রিয়সখি, তুমি এ মহাশয়কে বল যে যদি আমাদের ভাগ্যে থাকে তবে আমরা এই উদ্ভানেই পুনরায় তাঁর দর্শন পাব।

নেপথ্যে। কৈ লো কৈ? রাজনন্দিনী আর বসুমতী কোথায়?

সখী। চল, আমরা যাই।

পদ্মা। (কিঞ্চিৎ পরিক্রমণ করিয়া) উছ। এ কি—

সখী। কেন? কেন? কি হলো?

পদ্মা। সখি, দেখ, এই নূতন তুণাঙ্কুর আমার পায়ে বাজতে লাগলো। উছ, আমি ত আর চলতে পারি না, তোমরা এক জন আমাকে ধর। (রাজার প্রতি লজ্জা এবং অনুরাগ সহকারে দৃষ্টিপাত।)

সখী। এই এসো।

[পদ্মাবতীকে ধারণ করিয়া সখী এবং পরিচারিকার প্রস্থান।

রাজা। (স্বগত) হে সৌদামিনি, তুমি কি আমার এ মেঘাবৃত হৃদয়াকাশকে আরও তিমিরময় করবার জন্তে আমাকে কেবল এক মুহূর্তের নিমিত্তে দর্শন দিলে। (দীর্ঘনিশ্বাস পরিত্যাগ করিয়া) হায়! তা এ ঘোর অন্ধকার তোমার পুনর্দর্শন ব্যতীত কি আর কিছুতে কখন বিনষ্ট হবে?

নেপথ্যে। (বহুবিধ যন্ত্রধ্বনি।)

রাজা। (নেপথ্যাভিমুখে দৃষ্টিপাত করিয়া স্বগত) এই যে রাজকুল-বালারা গানবাছ কত্বে কত্বে ভগবান্ কন্দর্পের মন্দিরের দিকে যাচে।

নেপথ্যে। নাচ্ লো, নাচ্। এই দেখ্ আমি ফুল ছড়াচি।

নেপথ্যে।

(গীত।)

.রাগিণী—খাছাজ, তাল ষৎ।

চল সকলে আরাধিব কুম্ভবাণে।

সঘনে করতালি দেহ মিলিয়ে,

যতনে পূজিব হরিষ মনে ॥

বাছিয়া তুলিয়াছি নানা কুম্ভম,

অঞ্জলি পুরিয়া দিব চরণে।

সখীর পরিণয়ে শুভ সাধিতে,

তুষিব দেবেরে মঙ্গলগানে ॥

রাজা। (স্বগত) আহা, কি মধুর ধ্বনি! তা আমার আর এ স্থলে বিলম্ব করা উচিত হয় না। আমি এ নগরে ছদ্মবেশে প্রবেশ করো উত্তমই করেছি। আহা! এই পরম সুন্দরী বামাটি যদি রাজহুহিতা পদ্মাবতী হতো, তবে আর আমার সুখের সীমা থাকতো না।

[প্রস্থান।

দ্বিতীয় গর্ভাঙ্ক

মাহেশ্বরীপুরী—দেবালয়-উচ্চান।

(পুরোহিত এবং কঞ্চুকীর প্রবেশ।)

পুরো। আহা, কি আক্ষেপের বিষয়! মহাশয়, যেমন ভগবতী ভাগীরথীকে দর্শন করো জগজ্জনগণ হিমাচলকে ধ্বংসবাদ করে, রাজহুহিতা পদ্মাবতীকে দেখে সকলেই আমাদের নরপতিকে তদ্রূপ পরম ভাগ্যবান্ বল্যে গণ্য করতো। হায়, কোন ছুর্দৈব বিপাকে এ নির্মলসলিলা গঙ্গা যেন অকস্মাৎ রোধপতনে পঙ্কিলা হয়ে উঠলেন!

কঞ্চু। ছুর্দৈব বিপাকই বটে। মহাশয়, দেখুন, এ বিপুল ভারতভূমিতে প্রতি যুগে কত শত রাজগৃহে এই স্বয়ম্বরকার্য্য মহাসমারোহে নিম্পন্ন হয়েছে; কিন্তু কুত্রাপি ত এরূপ ব্যাঘাত কস্মিন্ কালেও ঘটে নাই!

পুরো। হায়! এতটা অর্থ কি তবে বৃথাই ব্যয় হলো?

কঞ্চু। মহাশয়, তন্নিমিত্তে আপনি চিন্তিত হবেন না। দেখুন, যে অকুল সাগরকে শত সহস্র নদ ও নদী বারিস্বরূপ কর অনবরত প্রদান করে, তার অপূরাশির কি কোন মতে হ্রাস হতে পারে? তবে কি না এ একটা কলঙ্ক চিরস্থায়ী হয়ে রৈল।

পুরো। ভাল, কঞ্চুকী মহাশয়, রাজকন্ঠার স্বয়ম্বর-সমাজে উপস্থিত না হবার মূল কারণটা কি তা আপনি বিশেষরূপে কিছু অবগত আছেন?

কঞ্চু। আজ্ঞা না, তবে আমি এইমাত্র জানি যে স্বয়ম্বর-সভায় যাত্রা

কালে, রাজবালা, মুছমুছ মুচ্ছা প্রাপ্ত হয়ে, এতাদৃশী দুর্বলা হয়ে পড়েছিলেন, যে রাজবৈষ্ণু তাঁকে গৃহের বহির্গত হতে নিষেধ করেন; সুতরাং স্বয়ম্বরা কন্যার অসুপস্থিতিতে শুভলগ্ন ভ্রষ্ট হওয়ায়, রাজদল অকৃতকার্য হয়ে স্ব স্ব দেশে প্রস্থান কল্যেন।

পুরো। আহা, বিধাতার নিৰ্ব্বন্ধ কে খণ্ডন কতো পারে? তা চলুন, আমরা এক্ষণে দেবদর্শন করিগে।

কণ্ঠ। আজ্ঞা চলুন।

[উভয়ের প্রস্থান।

(সখী এবং পরিচারিকার প্রবেশ।)

সখী। কেমন—আমি বলেছিলাম কি না, যে এ স্বয়ম্বরে কোন না কোন একটা ব্যাঘাত অবশ্যই ঘটে উঠবে?

পরি। তাই ত? কি আশ্চর্য্য! তা রাজনন্দিনী যে একেবারে এমন হয়ে পড়বেন, তা কে জানতো?

সখী। আহা, প্রিয়সখীর দুঃখের কথা মনে হলে প্রাণ যে কেমন করে তা আর কি বলবো! (রোদন।)

পরি। ভাল, রাজনন্দিনী যে একেবারে এমন হয়ে পড়লেন, এর কারণ কি?

সখী। আর কারণ কি? প্রিয়সখী বীরে স্বপ্নে দেখে ভাল বাসেন, তিনি ত আর রাজা নন যে তাঁকে প্রিয়সখী পাবেন!

পরি। তা সত্য বটে। (নেপথ্যাভিমুখে অবলোকন করিয়া) ও কে ও? ঐ না সেই বিদর্ভদেশের লোকটি এই দিকে আসছেন? উনিও যে রাজনন্দিনীকে ভাল বাসেন, তার সন্দেহ নাই; তা এমন ভাল বাসায় ওঁর কি লাভ হবে? বামন হয়ে কি কেউ কখন চাঁদকে ধরতে পারে? চল, আমরা ঐ মন্দিরের আড়ালে দাঁড়িয়ে দেখি, উনি এখানে এসে কি করেন।

সখী । চল ।

[উভয়ের প্রস্থান ।

(ছদ্মবেশে রাজা ইন্দ্রনীলের প্রবেশ ।)

রাজা । (স্বগত) আমার ত এ রাজধানীতে আর বিলম্ব করা কোন মতেই যুক্তিসিদ্ধ নয় । যত রাজগণ এ বৃথা স্বয়ম্বরে এসেছিল, তারা সকলেই আপন আপন রাজ্যে প্রস্থান করেছে । কিন্তু আমি এ পরমশুন্দরী কন্যাটিকে কি প্রকারে পরিত্যাগ করে যাই ? (দীর্ঘনিশ্বাস) হে প্রভো অনঙ্গ, যেমন সুরেন্দ্র আপন বজ্রদ্বারা পর্বতরাজের পক্ষচ্ছেদ কর্যে তাকে অচল করেছেন, তুমিও কি তোমার পুষ্প-শরাঘাতে আমাকে তরুণ গতিহীন কত্যে চাও । (চিন্তা করিয়া) এ দ্বীলোকটিকে কোন মতেই আমার রাজমহিষী পদে অভিষিক্তা করা যেতে পারে না । সিংহ সিংহীর সহিতই সহবাস করে । এ রাজবালা পদ্মাবতীর একজন সহচরী মাত্র, তা এর সহিত আমার কি সম্পর্ক ? (দীর্ঘনিশ্বাস) হে রতি দেবি, তুমি যে অমূল্য রত্ন আমাকে দান কত্যে চাও, সে রত্ন শচী এবং যক্ষেশ্বরীর ক্রোধে আমার পক্ষে অস্পর্শীয় অগ্নিশিখা হলো । হায়, এ পবিত্রা প্রবাহিণী কি তাঁদের অভিশাপে আমার পক্ষে কর্শ্বনাশা নদী হয়ে উঠলো ? তা আর বৃথা আক্ষেপ কল্যে কি হবে ? সচকিতে নেপথ্যাভিমুখে অবলোকন করিয়া) এ কি ?

নেপথ্যে । তুই বেটা কি সামান্য চোর । তুই যে দ্বিতীয় হনুমান্ ।

ঐ । কেন ? হনুমান্ কেন ?

ঐ । কেন তা আবার জিজ্ঞাসা করিস্ ? দেখ্ দেখি—যেমন হনুমান্ রাবণের মধুবন ভেঙ্গে লণ্ডভণ্ড করেছিল, তুইও আজ আমাদের মহারাজের অমৃতফলবনে সেইরূপ উৎপাত করেছিস্ । তা তোর মাথাটা কেটে ফেলাই উচিত ।

ঐ । ইস্ ।

ঐ । বটে ? দেও ত হে, বেটাকে যা ছুই তিন লাগিয়ে দেও ত ।

নেপথ্যে। দোহাই মহারাজের—

(বেগে কতিপয় রক্ষক সহিত বিদূষকের প্রবেশ ।)

বিদূ। মহারাজ, আপনি আমাকে রক্ষা করুন।

রাজা। কেন, কি হয়েছে ?

বিদূ। মহারাজ, এ বেটারা সাক্ষাৎ যমদূত।

প্রথম। ধর ত হে, বেটাকে ধরে বাঁধ।

বিদূ। (রাজার পশ্চাঙ্গে দণ্ডায়মান হইয়া) ইস্। তোর কি যোগ্যতা যে তুই আমাকে বাঁধবি ? ওরে ছুঁ রক্ষক, তুই যদি কনকলঙ্কায় ঢুকতে চাস্, তবে আগে সমুদ্র পার হ। এই মহায়া বিদর্ভদেশের অধিপতি রাজা ইন্দ্রনীল রায়।

রাজা। আরে কর কি।

বিদূ। মহারাজ, আপনি যে কে, তা টের না পেলেন কি এ পাষণ্ড বেটারা আমাকে অমনি ছাড়বে। বাপ!

প্রথম। মহাশয়—

বিদূ। মর্ বেটা নরাধম, তুই কাকে মহাশয় বলিস্ রে ?

রাজা। (বিদূষকের প্রতি) চুপ্ কর হে—চুপ্ কর। (রক্ষকের প্রতি) রক্ষক, তুমি কি বলছিলে ?

প্রথম। মহাশয়—দেখুন। এ ঠাকুরটি আমাদের মহারাজের অমৃত-ফলবনে যত পাকা ফল ছিল প্রায় তা সব পেড়ে পেড়ে খেয়েছেন।

বিদূ। খাব না কেন ? আমি খাব না ত আর কে খাবে ? তুই বেটা আমাকে হনুমান্ বলে গাল দিচ্ছিলি। আচ্ছা, আমি যদি এখন হনুমানের মতন তোদের পুরী পুড়িয়ে ভস্ম করো যাই, তবে তুই আমার কি কত্বে পারিস্ ?

রাজা। (জনাস্তিকে বিদূষকের প্রতি) ও কি কত্বে পারে ? কিন্তু অবশেষে তুমি আপনার মুখ পোড়াবে। আর কি ?

(কঞ্চুকী এবং পুরোহিতের পুনঃপ্রবেশ ।)

প্রথম । (কঞ্চুকী এবং পুরোহিতের সহিত একান্তে কথোপকথন ।)

কঞ্চু । বল কি ? (অগ্রসর হইয়া) মহারাজের জয় হউক ।

পুরো । মহারাজ চিরজীবী হউন ।

কঞ্চু । রক্ষক, তুমি এ সংবাদ মহারাজের নিকট অতি স্বরায় লয়ে যাও ।

প্রথম । যে আজ্ঞা । তবে এই আমি চল্লেম ।

পুরো । মহারাজ, আপনার শুভাগমনে এ রাজধানী অত্যন্ত কৃতার্থ হলো ।

কঞ্চু । হে নরেশ্বর, আপনার আর এ স্থলে অবস্থিতি করা উচিত হয় না । অল্পগ্রহ কর্যে রাজনিকেতনের দিকে পদার্পণ করুন ।

রাজা । (স্বগত) এত দিনের পর আজ সকলই বুধা হলো । (প্রকাশে) চলুন ।

[সকলের প্রস্থান ।]

(সখী এবং পরিচারিকার পুনঃপ্রবেশ ।)

সখী । হ্যাঁ লো মাধবি, এ আবার কি ? আমরা কি স্বপ্ন দেখছি, না এ বাজীকরের বাজী ?

পরি । ও মা, তাই ত ! ঐ কি রাজা ইস্রানীল, যাঁর কথা সকলেই কয় ?

নেপথ্যে । (মঙ্গলবাণ ও জয়ধ্বনি ।)

সখী । কি আশ্চর্য্য ! চল, আমরা এ সব কথা প্রিয়সখীকে বলিগে ।

[উভয়ের প্রস্থান ।]

ইতি তৃতীয়াক্ষ ।

চতুর্থাঙ্ক

প্রথম গর্ভাঙ্ক

বিদর্ভ নগর—তোারণ ।

(সারথিবেশে কলির প্রবেশ ।)

কলি । (স্বগত) আমি কলি ; এ বিপুল বিশ্বে কে না কাঁপে
শুনিয়া আমার নাম ? সতত কুপথে
গতি মোর । নলিনীরে সৃঞ্জন বিধাতা—
জলতলে বসি আমি মৃগাল তাহার
হাসিয়া কণ্টকময় করি নিজ্বলে ।
শশাঙ্ক যে কলঙ্কী—সে আমার ইচ্ছায় !
ময়ূরের চন্দ্রক-কলাপ দেখি, রাগে
কদাকারে পা-ছুখানি গড়ি তার আমি ! (পরিক্রমণ ।)
জন্ম মম দেবকুলে ;—অমৃতের সহ
গরল জন্মিয়াছিল সাগর-মথনে ।
ধর্মাধর্ম সকলি সমান মোর কাছে ।
পরের যাহাতে ঘটে বিপরীত, তাতে
হিত মোর ; পরহুগ্ধে সদা আমি সুখী ।
(চিন্তা করিয়া) এ বিদর্ভপুরে,—
নৃপতি রাজেশ্র ইন্দ্রনীল ; তার প্রতি
অতি প্রতিকূল এবে ইন্দ্রাণী সুন্দরী,
আর মুরজা রূপসী, কুবের-রমণী ;—
এ দৌহার অহুরোধে, মায়া-জালে আমি
বেড়িয়াছি নৃপবরে, নিষাদ যেমতি
ঘেরে সিংহে ঘোর বনে বধিতে তাহারে ।

মাহেশ্বরীপুরীর ঈশ্বর যজ্ঞসেন—
 পদ্মাবতী নামে তার সুন্দরী নন্দিনী ;
 ছদ্মবেশে বরি তারে রাজা ইস্ত্রনীল
 আনিয়াছে নিজালয়ে ; এ সংবাদ আমি
 ভাটবেশে রটিয়া দিয়াছি দেশে দেশে ।
 পৃথিবীর রাজকুল মহারোঘে আসি
 থানা দিয়া বলিয়াছে এ নগর-দ্বারে—

নেপথ্যে । (ধনুষ্টঙ্কার ও শঙ্খনাদ ।)

কলি । (স্বগত) ঐ শুন—

বীর দর্পে তা সবার সঙ্গে যুঝে এবে
 ইস্ত্রনীল । (চিন্তা করিয়া) এই অবসরে যদি আমি
 রাণী পদ্মাবতীরে লইতে পারি হরি—
 তা হলে কামনা মোর হবে ফলবতী ।
 প্রেয়সী-বিরহ শোকে ইস্ত্রনীল রায়
 হারাইবে প্রাণ, ফণী মণি হারাইলে
 মরে বিবাদে । এ হেতু সারথির বেশে
 আসিয়াছি হেথা আমি । (পরিক্রমণ ।) কি আশ্চর্য্য !

অহো—

এ রাজকুলের লক্ষ্মী মহাতেজস্বিনী !
 এঁর তেজে এ পুরীতে প্রবেশ করিতে
 অক্ষম কি হইলু হে ? (সহাস্য বদনে) কেনই না হব ?
 অমৃত যে দেহে থাকে, শমন কি কড়ু
 পারে তারে পরশিতে ? দেখি, ভাগ্যক্রমে
 পাই যদি রাণীরে এ তোরণ সমীপে ।
 (চতুর্দিক্ অবলোকন করিয়া সপুলকে) এ কি ?
 ওই না সে পদ্মাবতী ? আয় লো কামিনি—
 এইরূপে কুরঙ্গিনী নিঃশব্দে অভাগা

পড়ে কিরাতে পথে ; এইরূপে সদা
 বিহঙ্গী উড়িয়া বসে নিষাদের ফাঁদে ! (চিন্তা করিয়া)
 কিঞ্চিৎ কালের জগ্গে অদৃশ্য হইয়া
 দেখি কি করা উচিত । (অন্তর্ধান ।)

(অবগুষ্ঠিকাবৃত্তা পদ্মাবতী এবং সখীর প্রবেশ ।)

সখী । প্রিয়সখি, এ সময়ে পাঁচীরের বাইরে যাওয়া কোন মতেই উচিত হয় না। তা এসো আমরা এখানেই দাঁড়াই। আর এ তোরণ দিয়েও কই কেউ ত বড় যাওয়া আসা কচো না ? এ এক প্রকার নির্জন স্থান ।

পদ্মা । (দীর্ঘনিশ্বাস পরিত্যাগ করিয়া) সখি, আমার মতন হতভাগিনী কি আর দুটি আছে ? দেখ, শ্রাণেশ্বর আমার জগ্গে কি ক্রেশই না পেলেন ! আর এই যে একটা ভয়ঙ্কর সমর আরম্ভ হয়েছে, যদি ভগবতী পার্বতীর চুরণপ্রসাদে এ হতে আমরা নিস্তার পাই, তবুও যে কত পতিহীনা স্ত্রী, কত পুত্রহীনা জননী, কত যে লোক আমার নাম শুনলেই শোকানলে দক্ষ হয়ে আমাকে যে কত অভিসম্পাত দেবে, তা কে বলতে পারে ? হে বিধাতঃ, তুমি আমার অদৃষ্টে যে সুখভোগ লেখো নাই, আশ্রিতার নিমিত্তে তোমাকে তিরস্কার করি না, কিন্তু তুমি আমাকে পরের সুখনাশিনী কল্যে কেন ? (রোদন ।)

সখী । প্রিয়সখি, তুমি এমন কথা মনেও করো না। তোমার জগ্গেই যে রাজারা কেবল যুদ্ধ করে মর্চ্যে তা নয়। এ পৃথিবীতে এমন কর্ম অনেক স্থানে হয়ে গেছে। শ্রৌপদীর স্বয়ম্বরে কি হয়েছিল তা কি তুমি শোন নি।

পদ্মা । সখি, তুমি পাঞ্চালীর কথা কেন কও ? শশীর কলঙ্কে তাঁর শ্রীর হাস না হয়ে বরঞ্চ বৃদ্ধিই হয়।—

নেপথ্যে । (ধনুষ্ঠকার ছন্দারধনি এবং রণবাণ ।)

পদ্মা। (সত্রাসে) উঃ! কি ভয়ঙ্কর শব্দ! সখি, তুমি আমাকে ধর। এই দেখ বীরদলের পায়ের ভরে বহুমতী যেন কেঁপে কেঁপে উঠছেন।

সখী। (আকাশমার্গে দৃষ্টিপাত করিয়া) কি সর্বনাশ! প্রিয়সখি, দেখ আকাশ থেকে যেন অগ্নিবৃষ্টি হচ্ছে! এমন অদ্ভুত শরঙ্গাল ত আমি কখনও দেখি নাই।

পদ্মা। কি সর্বনাশ! সখি, আমার কি হবে (রোদন)।

সখী। প্রিয়সখি! তুমি কেঁদো না! আর ভয় নাই, ঐ দেখ, যখন রাজসারথি এই দিকে আসূচে তখন বোধ হয় মহারাজ অবশ্যই শত্রুদলকে পরাভব করে থাকবেন।

পদ্মা। (নেপথ্যাভিমুখে অবলোকন করিয়া) কি সর্বনাশ! সারথি যে একলা আসূচে?

(সারথি-বেশে কলির পুনঃপ্রবেশ।)

সারথি, তুমি যে রাজরথ ত্যাগ করে আসূচো?

কলি। মহিষি, আপনি এত উতলা হবেন না। মহারাজ এ দাসকে আপনার নিকটেই পাঠিয়েছেন।

পদ্মা। কেন? কি সংবাদ, তা তুমি আমাকে শীজ করে বল।

কলি। আজ্ঞা—সকলই সুসংবাদ, মহারাজ অশ্রু এক রথে আরোহণ করে আমাকে এই বল্যে আপনার নিকট পাঠিয়েছেন, যে আপনি কিকিৎ কালের জন্মে রাজপুরী ছেড়ে ঐ পর্বতের চূর্ণে গিয়ে থাকুন। আর এ দাসও নরবরের আঞ্জায় এই রথ এনেছে। তা দেবীর কি আজ্ঞা হয়?

সখী। প্রিয়সখি, তুমি যে চূপ্ করে রৈলে?

পদ্মা। (দীর্ঘনিশ্বাস পরিত্যাগ করিয়া) সখি, আমি এ নগর ছেড়ে কেমন করে যাই?—

নেপথ্যে। (ধমুধমকার হুকারধ্বনি ও রণবাণ)।

সখী। উঃ! কি ভয়ঙ্কর শব্দ! সারথি, কৈ, রথ কোথায়? তুমি আমাদের শীজ নিয়ে চল।

কলি। (স্বগত) এ হতভাগিনীরও মরণেচ্ছা হলো না কি ? তা যে শিশিরবিন্দু পুষ্পদলে আশ্রয় লয়, সে কি সূর্য্যের প্রচণ্ড কিরণ হতে কখন রক্ষা পেতে পারে ? (প্রকাশে) দেবি, তবে আমুন ।

পদ্মা। (স্বগত) হে আকাশমণ্ডল, তোমাকে লোকে শব্দবাহ বলে । তা তুমি এ দাসীর প্রতি অমুগ্রহ করো আমার এই কথাগুলিন্ আমার জীবিতনাথের কর্ণকুহরে সাবধানে লয়ে যাও । হে রাজন, তোমার পদ্মাবতী তোমার আজ্ঞা পালন কল্যে ; কিন্তু তার প্রাণটি এ রণক্ষেত্রে তোমার নিকটেই রৈল । দেখ, চাতকিনী বজ্র বিদ্যুৎ আর প্রবল বায়ুকেও ভয় না করো, জলধরের প্রসাদ প্রতীক্ষায় কেবল তার সঙ্গেই উড়তে থাকে ।

সখী । প্রিয়সখি, চল । আমরা যাই ।

পদ্মা । (দীর্ঘনিশ্বাস পরিত্যাগ করিয়া) তবে চল ।

কলি । (স্বগত) গরুড় ভুজঙ্গিনীকে ধরে উড়লেন ।

[সকলের প্রস্থান ।

(রক্তাক্ত বস্ত্র পরিধানে ও রক্তার্জ্জ্ব অসি হস্তে বিদূষকের প্রবেশ ।)

বিদূ । (চতুর্দিক্ অবলোকন করিয়া স্বগত) রাম বল, বাঁচলেন । বেশ পালিয়েছি । আরে, আমি দরিদ্র ব্রাহ্মণ, আমার কি এ সকল ভাল লাগে ? তবে করি কি ? ছুঁষ্ট ক্ষত্রদলের সঙ্গে কেবল এ পোড়া পেটের জ্বালায় সহবাস কতো হয় । তা একটু আদটু সাহস না দেখালে বেটারা নিতান্ত হেয়জ্ঞান করবে বলো, আমি এই খাঁড়াখানা নিয়ে বেরিয়েছি—যেন যুদ্ধ কতোই গিয়েছিলেম । আর এই যে রক্ত দেখছে, এ ত রক্ত নয় । এ—আলতা-গোলা । (উচ্চহাস্য) এই যুদ্ধের কথা শুনে ব্রাহ্মণীর সিঁছর-চূপড়ী থেকে খানকতক আলতা চুরি করে টেকে গুঁজে রেখেছিলাম । আর কেন যে রেখেছিলেম তা সামান্য লোকের বুকে উঠা দুষ্কর । ওহে, যেমন সিংহের অস্ত্র দাঁত, বাঁড়ের অস্ত্র শিঙ, হাতীর অস্ত্র গুঁড়, পাখীর অস্ত্র ঠোঁট

আর নখ, ক্ষত্রকুলের অস্ত্র ধনুর্কর্ষণ, তেমনি ব্রাহ্মণের অস্ত্র—বিদ্যা আর বুদ্ধি। তা বিদ্যা বিষয়ে ত আমার ক অক্ষর গোমাংস; তবে কি না একটু বুদ্ধি আছে। আর তা না থাকলে কি এত করে উঠতে পাত্যেয়? বল দেখি, আমার কাপড় আর এই খাঁড়া দেখে কে না ভাববে যে আমি শত শত হাতী আর ঘোড়া আর যোদ্ধাদেরকে যমের বাড়ী পাঠিয়ে এসেছি? (উচ্চহাস্য।) তা দেখি আজ মহারাজ এ বেশ দেখে আমাকে কি পুরস্কার করেন? হে ছুটে সরস্বতি, তুমি এসে আমার কাঁধে ভর কর, তা না কল্যে কর্ম চলবে না। আজ যে আমাকে কত মিথ্যা কথা কহিতে হবে তার সংখ্যা নাই।

(কতিপয় নাগরিকের প্রবেশ ।)

প্রথম। এই যে আৰ্য্য মাণবক এখানে দাঁড়িয়ে রয়েছেন। মহাশয়, প্রণাম করি। (নিকটবর্তী হইয়া সচকিতে) ইঃ, এ কি ?

বিদু। কেন, কি হলো ?

প্রথম। মহাশয়, আপনার সর্ব্বাঙ্গে যে রক্ত দেখছি।

বিদু। দেখবে না কেন ? ওহে, দোল দেখতে গেলে কি গায়ে আবীর লাগে না ?

দ্বিতীয়। তবে মহাশয় রণক্ষেত্রে গিয়েছিলেন না কি ?

বিদু। যাব না কেন ? কি হে, তুমি কি ভেবেছো যে আমি একটা টোলের ভট্চার্য্য—দেড়গঞ্জী সমাস ভিন্ন কথা কই না, আর বিচারসভাতেই কেবল জোণাচার্য্যের বীৰ্য্য দেখাই, কিন্তু একটু মারামারির গন্ধ পেলেই ব্রাহ্মণীর আঁচল ধর্যে তার পেছন দিকে গিয়ে লুকুই! (উচ্চহাস্য।)

দ্বিতীয়। না, না, তাও কি হয়? আপনি এক জন মহাবীরপুরুষ। তা কি সংবাদ, বলুন দেখি শুনি ?

বিদু। আর কি সংবাদ? দেখ, যেমন জমদগ্নির পুত্র ভীষ্ম—

প্রথম। মহাশয়, জমদগ্নির পুত্র ভৃগুরাম।

বিদু। তাই ত! তা এ গোলে কি কিছু মনে থাকে হে? দেখ, যেমন জমদগ্নির পুত্র ভৃগুরাম পৃথিবীকে নিঃকত্রিয়া করেছিলেন, এ ব্রাহ্মণও আজ তাই করেছে।

নেপথ্যে। (জয়বাছ।)

প্রথম। এই যে মহারাজ, শত্রুদলকে রণস্থলে জয় করে ফিরে আসছেন।

নেপথ্যে। (মহারাজের জয় হউক।)

তৃতীয়। চল হে, রাজদর্শনে যাওয়া যাউক।

নেপথ্যে। (বৈতালিকের গীত।)

মাজুস্বরূট—একতালা।

কি রঙ্গ রাজভবনে, কি রঙ্গ আজ—

করিয়া রণ, শত্রুনিধন, রাজনবর রাজে।

পুলকে সব হইল মগন, উৎসবরত যত পুরজন,

জয় জয় রবপূর্ণ গগন, নৌবত ঘন বাজে ॥

সৈন্যসঁকল সমরকুশল, নিরখি ভীত অরিদলবল,

কম্পিত হয় ধরণীতল, বাশুকি নত লাজে।

ভূপতি অতি বীর্যবান, বিভব নিবহ সুরসমান,

ইন্দ্র যেন শোভমান, মর্ত্যভুবন মাজে ॥

নেপথ্যে। ওরে, একজন দৌড়ে গিয়ে আর্ঘ্য মাগবককে শীঘ্র ডেকে আনগে তো। মহারাজ তাঁর অঘেষণ কচোন।

বিদু। ঐ শোন। দেখি মহারাজ আমাদের আজ কি শিরোপা দেন।

[প্রস্থান।

প্রথম। এ ব্রাহ্মণ বেটা কি সামান্য ধূর্ত গা?

দ্বিতীয়। এমন নির্লজ্জ পুরুষ কি আর পৃথিবীতে ছুটি আছে?

তৃতীয়। তবে ও আলতা-গোলা বটে?

প্রথম। তা বই কি? ও কি আর যুদ্ধক্ষেত্রে গিয়েছিলো?

দ্বিতীয় । মহাশয়, চলুন রাজদর্শন করিগে ।
প্রথম । চল ।

[সকলের প্রস্থান ।

দ্বিতীয় গর্ভাঙ্ক

পর্তুগীজগণের গহন কানন ।

(কলির প্রবেশ ।)

কলি । (স্বগত) এই ত হরণ করি আনিমু রাণীরে
এ ঘোর কাননে । এবে কোথায় ইস্রাণী ?
যে প্রতিজ্ঞা তাঁর কাছে করেছিলু আমি,
রক্ষা করিয়াছি তাহা পরম কৌশলে,—
(কলির কৌশল কতু হয় কি বিফল ?)
যাই এবে স্বর্গে (অবলোকন করিয়া)
অহো ! এই যে পৌলোমী
মুরজার সঙ্গে—

(শচী এবং মুরজার প্রবেশ ।)

(প্রকাশে) দেখি, আশীর্বাদ করি ।

শচী । প্রশ্নাম । হে দেববর, কি করেছ, বল ?

কলি । পালিমু তোমার আজ্ঞা যতনে, ইস্রাণী,
বিদায় করহ এবে যাই স্বর্গপুরে ।

শচী । (ব্যগ্রভাবে) কোথায় রেখেছ তারে ?

কলি । এই ঘোর বনে

সখী সহ আনি তারে রেখেছি, মহিষি । (সহাস্ত বদনে ।)

রথে যবে তুলি দৌহে উঠিমু আকাশে,

কত যে কাঁদিল ধনী, করিল মিনতি,

সে সকল মনে হলে—হাসি আসে মুখে !

মুর। (স্বগত) হেন ছুরাচার আর আছে কি জগতে ?

(প্রকাশে) ভাল, কলিদেব,—

কিছু কি হলো না দয়া তোমার হৃদয়ে ?

কলি। সে কি, দেবি ? হরিণীরে যুগেন্দ্র কেশরী

ধরে যবে, স্তনি তার ক্রন্দনের ধ্বনি,

সদয় হইয়া সে কি ছাড়ি দেয় তারে ?

শচী। কলিদেব,—

শত ধন্যবাদ আমি করি গো তোমারে !

শতকোটি শ্রুগাম তোমার ও চরণে !

বাঁচালে আমারে তুমি। তোমার প্রসাদে

রহিল আমার মান। অঙ্গুরীর দলে

যাহে শ্রাণ চাহে তব, পাইবে তাহারে—

পাঠাইব তারে আমি তোমার আলয়ে,

রবিরে প্রদান যথা করয়ে সরসী

• নব কমলিনী হাসি—নিশি অবসানে।

যত রত্নরাজী আছে বৈজয়ন্ত-ধামে

তোমার সে সব। দেখ, আজি হতে শচী—

ত্রিদিবের দেবী—দেব, হলো তব দাসী।

যাও চলি স্বর্গে এবে। শীঘ্র আসি আমি

যথোচিত পুরস্কারে তুমিবে তোমারে।

কলি। যে আজ্ঞা! বিদায় তবে হই আমি, সতি।

[প্রস্থান।

মুর। সখি, আমাদের কি এ ভাল কর্ম্ম হলো ?

শচী। কেন ? মন্দ কর্ম্মই বা কি ?

মুর। দেখ, আমরা পরের অপরাধে এ সরলা মেয়েটিকে যাতনা দিতে

প্রবৃত্ত হলেম।

শচী। আঃ, আর মিছে বকো কেন ? তোমাকে আমি না হবে তো প্রায় এক শত বার বলেছি যে স্বয়ং সৃষ্টিকর্তা বিধাতার ছুঁই দমন করবার জন্মে সময় বিশেষে ভগবতী বসুমতীকেও জলমগ্ন করেন। তা ভগবতী বসুন্ধরা কি স্বদোষে সে যন্ত্রণা ভোগ করেন ?

মুর। তা আমি কেমন করো বলবো ? (চতুর্দিক্ অবলোকন করিয়া) একবার ঐ দিকে চেয়ে দেখ দেখি, সখি।

শচী। কি ?

মুর। সখি, ঐ পর্বতশৃঙ্গের অন্তরাল থেকে এদিকে কে আসূচে দেখ তো ? আহা ! এ কি ভগবতী ভাগীরথী হরিদ্বার হতে বেরুচোন ? এমন অপরূপ রূপ লাভ্য ত আমি কোথাও দেখি নাই।

শচী। ঐ সেই পদ্মাবতী।

মুর। সখি, ওর মুখখানি দেখলে বোধ হয় যেন আমি ওকে আরও কোথাও দেখেছি। (স্বগত) এ কি ? আমার স্তনদ্বয় যে সহসা ছুঁকে পরিপূর্ণ হলো ? হে হৃদয়, তুমি এত চঞ্চল হলে কেন ?

শচী। সখি, চল আমরা পুনরায় কলিদেবের নিকটে যাই।

মুর। কেন ?

শচী। চল না কেন ? আমার মনস্কামনা এখনও সম্পূর্ণরূপে সফল হয় নাই।

মুর। সখি, আমার মন কলিদেবের নিকটে আর কোন মতেই যেতে চায় না। আমি অলকায় চলোম।

[প্রস্থান।]

শচী। (স্বগত) তুমি গেলেই বা ! তোমার দ্বারা যত উপকার হতে পারবে, তা আমি বিশেষরূপে জানি। তা যাই—আমি একলাই কলিদেবের নিকটে যাই। ইন্দ্রনীল যেন স্বয়ম্বরসংগ্রামে হত হয়েছে, এইরূপ একটা মিথ্যাঘোষণা রটিয়ে দিলে আরও ভাল হবে।

[প্রস্থান।]

(পদ্মাবতীর প্রবেশ ।)

পদ্মা। (স্বগত) হায় ! এ বিপজ্জাল হতে আমাকে কে রক্ষা করবে ! এ কি কোন দেব, না দেবী, এ হতভাগিনীর প্রতি বাম হয়ে একে এত যত্ন দিতে প্রবৃত্ত হলেন ? (চতুর্দিক্ অবলোকন করিয়া) কি ভয়ঙ্কর স্থান ! ক্షৌধ হয় যেন যামিনীদেবী দিবাভাগে এই নিভৃত স্থলেই বিরাজ করেন। (দীর্ঘনিশ্বাস পরিত্যাগ করিয়া) হে প্রাণেশ্বর, যেমন রঘুনাথ ভগবতী জ্ঞানকীকে বিনা দোষে বনবাস দিয়েছিলেন, আপনিও কি এ দাসীর প্রতি প্রতিকূল হয়ে তাই কল্যেন। হে জীবিতেশ্বর, আপনি যে আমাকে পৃথিবীর সুখভোগে নিরাশ কল্যেন, তাতে আমার কিছুই মনোবেদনা হয় না, তবে যাবজ্জীবন আমার এই একটা দুঃখ রৈলো, যে আপনাকে আমি বিপদমাগর থেকে উত্তীর্ণ হতে দেখতে পেলেম না। (রোদন) হায় ! আমার কি হবে ? আমাকে কে রক্ষা করবে ? (পরিক্রমণ ও পর্ক্বতের প্রতি লক্ষ্য করিয়া) হে গিরিবর, এ অনাথা আপনার নিকট আশ্রয় চায়, তা আপনার কি আজ্ঞা হয় ? (চিন্তা করিয়া) আপনি যে নিশ্চক হয়ে রৈলেন ? তা থাকবেন বৈ আর কি ? হে নগরাজ, এ পৃথিবীতে যে ব্যক্তি মহান্ হয়, তার ক্ষুদ্র লোকের প্রতি এইরূপই ব্যবহার বটে। আপনি সিংহের নিনাদ শুনলে তৎক্ষণাৎ তার প্রত্যুত্তর দেন,—মেঘের গর্জনে পুনর্গর্জন করেন,—বজ্রের শব্দে অস্থির হয়ে ছুঙ্কায় ধ্বনি করেন ;—আমি অবলা মানবী, তা আপনি আমার প্রতি কৃপাদৃষ্টি করবেন কেন ? (রোদন) কি আশ্চর্য্য ! এ এমনি গহন বন, যে এখানে আমার আপনার শব্দ শুনলেও ভয় হয়। হায় ! আমি এখন কোথায় যাব ? বসুমতী যে এখনও আস্চে না।

(কদলীপত্রে জল লইয়া সখার প্রবেশ ।)

সখী। প্রিয়সখি, এই নাও। আঃ ! এ জলের অদ্বেষণে যে আমি কত দূর ঘুরেছি তার আর কি বলবো ?

পদ্মা। (জল পান করিয়া) সখি, আমি তোমাকে বুধা ক্লেম দিলেম বৈ ত নয়। হায়! এ জলে কি এ পাপপ্রাণের তৃষ্ণা দূর হবে? (রোদন।)

সখী। প্রিয়সখি, এ পর্বতপ্রদেশ কি ভয়ঙ্কর স্থান!

পদ্মা। কেন? কেন?

সখী। উঃ! আমি যে কত সিংহ, কত বাঘ, কত মহিষ, কত ভালুক, আর কত যে বরাহের পায়ের চিহ্ন দেখেছি, তা মনে হলে বুক শুকিয়ে উঠে! প্রিয়সখি, এ ঘোর গহন বনে আমাদের আর কে রক্ষা করবে। (রোদন।)

পদ্মা। (সখীর হস্ত ধারণ করিয়া) সখি, আমি যে প্রাণনাথের নিকট কি অপরাধ করেছি, তা আমার এখনও স্মরণ হচ্ছে না। কিন্তু তিনি কি আমার প্রতি একেবারে এত নির্দয় হলেন, যে এ হতভাগিনীকে যারা ভালবাসে, তাদের উপরও তাঁর রাগ হলো? (রোদন!)

সখী। প্রিয়সখি, তুমি আমার জন্তে কেঁদো না।

পদ্মা। সখি, তুমিও কি আমার দোষে মারা পড়বে? (রোদন।)

সখী। (সজল নয়নে পদ্মাবতীকে আলিঙ্গন করিয়া) প্রিয়সখি, আমি কি তোমার জন্তে মরতে ডরাই? আমি যদি আমার প্রাণ দিয়ে তোমাকে এ বিপজ্জ্বাল হতে উদ্ধার করতে পারি, তবে আমি তা এখনই দিতে প্রস্তুত আছি। (রোদন।)

পদ্মা। (দীর্ঘনিশ্বাস পরিত্যাগ করিয়া) হে বিধাতঃ, তুমি যদি এ তরণীকে অকুল সমুদ্রমধ্যে মগ্ন করবার নিমিত্তেই নিশ্চীর্ণ করেছিলে, তবে তুমি একে জনপূর্ণ করো ভাসালে কেন? (রোদন।)

সখী। প্রিয়সখি, তুমি আমার জন্তে কেঁদো না। (রোদন।)

পদ্মা। সখি, এসো, আমরা এখানে বসি। আমাদের কপালে যদি মরণ থাকে, তবে আমরা একত্রই মরবো। (শিলাতলে উভয়ের উপবেশন।)

সখী। প্রিয়সখি, এ ছুট্ট সারথি যে আমাদের সঙ্গে এখন অসৎ ব্যবহার করবে, তা আমি স্বপ্নেও জানতেম না।

পদ্মা। (দীর্ঘনিশ্বাস পরিত্যাগ করিয়া) সখি, তার দোষ কি? সে এক জন ভৃত্য বই ত নয়।

নেপথ্যে। রে অবোধ প্রাণ! তুই যদি এ ভগ্ন কারাগারস্বরূপ দেহ রণভূমিতেই পরিত্যাগ কত্তিস্, তা হলে ত তোকে আর এ যন্ত্রণা সছ কত্যা হতো না! হায়!—

পদ্মা। (স্বত্বাসে) এ কি? (উভয়ের গাত্রোখান।)

সখী। (নেপথ্যাভিমুখে অবলোকন করিয়া স্বত্বাসে) তাই ত প্রিয়সখি, বোধ করি, এ কোন মায়াবী রাক্ষস হবে! হে জগদীশ্বর, আমাদের এখন কে রক্ষা করবে?

(ক্ষত যোদ্ধার বেশে কলির পুনঃপ্রবেশ।)

কলি। আপনারা দেবকন্যাই হউন কি মানবীই হউন, আমার এ স্থলে সহসা প্রবেশে বিরক্ত হবেন না। হায়! যেমন হস্তী সিংহের প্রচণ্ড আঘাতে ব্যথিত হয়ে কোন পর্বতগহ্বরে ত্রাসে পলায়ন করে, আমিও তদ্রূপ এই স্থলে এসে উপস্থিত হলেম।

সখী। (ব্যগ্রভাবে) কেন? আপনার কি হয়েছে?

কলি। আমি বীরচূড়ামণি রাজা ইন্দ্রনীলের এক জন যোদ্ধা। তাঁর শক্রদলের সঙ্গে ঘোরতর সমর করে এই দুঃস্থায় পড়েছি।

পদ্মা। (ব্যগ্রভাবে) মহাশয়, রণক্ষেত্রের সংবাদ কি?

কলি। (দীর্ঘনিশ্বাস পরিত্যাগ করিয়া) হায়! দেবি, আপনি ও কথা আর আমাকে কেন জিজ্ঞাসা করেন? প্রবল শক্রদল মহারাজকে সসৈন্যে নিপাত করো, বিদর্ভনগরীকে ভস্মরাশি করেছে।

পদ্মা। ঔ্যা! আপনি কি বল্যেন?

সখী। এ কি! প্রিয়সখী যে সহসা পাণ্ডুবর্ণা হয়ে উঠলেন?

পদ্মা। (অচেতন হইয়া ভূতলে পতন।)

সখী। (পদ্মাবতীকে ক্রোড়ে ধারণ করিয়া) হায়! প্রিয়সখী যে অচেতন হয়ে পড়লেন! মহাশয়, ঐ পর্বতশৃঙ্গের ঐ দিকে একটা নির্ঝর আছে, আপনি অমুগ্রহ করে ওখান থেকে একটু জল আনলে বড় উপকার হয়। ইনি এক জন সামান্য স্ত্রী নন! ইনি রাজমহিষী পদ্মাবতী।

কলি। (স্বগত) যেমন কালসর্প আপন শক্রকে দংশন করে বিবরে প্রবেশ করে, আমিও তক্রপ আপন অভীষ্ট সিদ্ধি করে স্বস্থানে প্রস্থান করি। (প্রকাশে) এই আমি চল্লেম।

[প্রস্থান।

সখী। (স্বগত) হায়, এ কি হলো? (আকাশে কোমল বাত।)
এ কি?

আকাশে।

(গীত)

[সুখ—যৎ।]

আর কি কব তোমারে?

যে জন পীরিতে রত,
সুখ দুঃখ সহে কত
পরেরি তরে।

সুধাকর প্রেমাধীনী,
অতি সুখী চকোরিণী;
কতু হয় বিষাদিনী, বিরহ-শরে!

নলিনী ভানুর বশে,
মগন প্রণয়-রসে,
তথাপি কখন ভাসে, বিষাদ-নীরে!

প্রেম সমভাব নহে,
কতু সুখভোগে রহে,
কতু বা বিরহ দহে, নয়ন বুঝে ॥

(কাষ্ঠচ্ছেদিকা-বেশে রতি দেবীর প্রবেশ।)

রতি। (স্বগত) হায়! দেবকূলে শচীর মতন চণালিনী কি আর আছে? আহা! সে যে দুষ্ট কলির সহকারে রাজমহিষী পদ্মাবতীকে কত

শ্লেষ দিতে আরম্ভ করেছে, তা মনে হলে হৃদয় বিদীর্ণ হয়। তা আমার এখন কি করা উচিত? (চিন্তা করিয়া) এই চিত্রকূট পর্বতের নিকটে তমসা নদীতীরে অনেক মহর্ষিরা সপরিবারে বাস করেন, তা পদ্মাবতী আর বসুমতীকে কোন মুনির আশ্রমে লয়ে যাওয়াই উচিত। তার পরে আমি কৈলাসপুরীতে ভগবতী পার্বতীর নিকটে এ সকল বৃত্তান্ত নিবেদন করবো। তিনি এ বিষয়ে মনোযোগ কল্যাে আর কোন ভয়ই থাকবে না। যে দেশ গন্ধাদেবীর স্পর্শে পবিত্র হয়েছে, সে দেশে কি কেউ তৃষ্ণাপীড়া ভোগ করে? (অগ্রসর হইয়া প্রকাশে) ওগো, তোমরা কারা গা?

সখী। তুমি কে?

রতি। আমি এই পর্বতে কাট কুড়ুতে এসেছি, তোমরা এখানে কি কচ্যো?

সখী। দেখ, আমার প্রিয়সখী অচেতন হয়ে রয়েছেন, তা তুমি একটু জল এনে দিতে পার?

রতি। অচেতন হয়েছেন? তা জলে কাজ কি? আমি ঙ্কে এখনই ভাল করে দিচ্ছি। (পদ্মাবতীর গাত্রে হস্ত প্রদান।)

পদ্মা। (চেতন পাইয়া দীর্ঘনিশ্বাস পরিত্যাগ।)

রতি। দেখ, এই তোমার সখী চেতন পেলেন।

পদ্মা। (গাত্রোখান করিয়া) সখি, আমি যে এক অন্তত স্বপ্ন দেখেছি তার কথা আর কি বলবো?

সখী। প্রিয়সখি, কি স্বপ্ন?

পদ্মা। আমার বোধ হলো যেন একটি পরমসুন্দরী দেবকন্যা আমার মস্তকে তাঁর পদ্মহস্ত বুলিয়ে বলেন, বৎসে, তুমি শাস্ত হও। তোমার প্রাণনাথের সঙ্গে শীঘ্রই তোমার মিলন হবে। (রতিকে অবলোকন করিয়া সখীর প্রতি) সখি, এ স্ত্রীলোকটি কে?

সখী। প্রিয়সখি, এ এক জন কাটুরিয়াদের মেয়ে।

রতি। হ্যাঁ গা, তোমাদের কি এখানে থাকতে ভয় হয় না?

পদ্মা। কেন?

রতি। এ পাহাড়ে যে কত সিংহ, কত বাঘ, কত ভালুক, আর কত যে সাপ থাকে, তা কি তোমরা জান না ?

সখী। (সত্রাসে) কি সর্বনাশ! এ পাহাড়ের নাম কি গা!

রতি। এর নাম চিত্রকূট।

পদ্মা। এখান থেকে বিদর্ভনগর কত দূর, তা তুমি জান ?

রতি। বিদর্ভনগর এখান থেকে অনেক দিনের পথ। কেন, তোমরা কি সেখানে যেতে চাও ?

পদ্মা। (স্বগত) হায়! সে বিদর্ভনগর কি আর আছে! হে প্রাণেশ্বর, তুমি এ হতভাগিনীকে কেন সঙ্গে করো নিলে না? (রোদন।)

রতি। (সখীর প্রতি) তোমার প্রিয়সখী কাদের কেন? ওঁর যদি এখানে থাকতে ভয় হয়, তবে তোমরা আমার সঙ্গে এসো।

সখী। তুমি আমাদের কোথায় নিয়ে যাবে?

রতি। এই পাহাড়ের কাছে অনেক তপস্বীরা বসতি করেন, তা তাঁদের কারো আশ্রমে গেলে তোমাদের আর কোন ক্লেশই থাকবে না।

সখী। (পদ্মাবতীর প্রতি) প্রিয়সখি, তুমি কি বল? আমার বিবেচনায় এখানে আর এক যুহুর্ভের জন্তোও থাকে উচিত হয় না।

পদ্মা। সখি, তোমার যা ইচ্ছা।

সখী। তবে চল। ওগো কাটুরেদের মেয়ে, তুমি আমাদের পথ দেখিয়ে দাও ত?

রতি। এই দিকে এসো।

[সকলের প্রস্থান।]

তৃতীয় গর্ভাঙ্ক

বিদর্ভনগরস্থ রাজগৃহ ।

(রাজা ইস্ত্রনৌল ম্লান ও মৌনভাবে আসীন, মন্ত্রী ।)

মন্ত্রী। (স্বগত) প্রায় সপ্তাহ হলো রাজ্ঞী পদ্মাবতী সখী বশুমতীর সহিত রাজপুরী পরিত্যাগ কর্যে যে কোথায় গেছেন তার কোন অনুসন্ধানই পাওয়া যাচে না। (দীর্ঘনিশ্বাস পরিত্যাগ করিয়া) আহা ! মহীপাল অধুনা রাজমহিষীর প্রাপ্তি বিষয়ে প্রায় নিরাশ্বাস হয়ে নিরাহারে এবং অনিদ্রায় দিনযামিনী যাপন করেন ; আর আপনার নিত্যকার্যের প্রতি তিলাঙ্কের নিমিত্তেও মনোযোগ করেন না। হায় ! মহারাজের দুর্দশা দেখলে হৃদয় বিদীর্ণ হয়। হে বিধাতঃ ! তোমার এ কি সামান্য বিড়ম্বনা ! তুমি কি এ দয়াসিন্দুকেও বাড়বানলে তাপিত কল্যে,—এ কল্পতরুকেও দাবানলে দগ্ধ কল্যে,—এ প্রতাপশালী আদিত্যকেও ছুই রাহুর গ্রাসে নিক্ষিপ্ত কল্যে ? (চিন্তা করিয়া) তা আমার আর এ স্থলে অপেক্ষা করবার কোন প্রয়োজন নাই। প্রায় ছুই দণ্ডাবধি আমি এ স্থলে দণ্ডায়মান আছি, কিন্তু মহারাজ আমার প্রতি একবার দৃকপাতও করেন না। (নেপথ্যাভিমুখে অবলোকন করিয়া) এই যে আর্ঘ্য মাণবক এদিকে আগমন কচেন। তা দেখি এঁর দ্বারা কোন উপকার হতে পারে কি না।

(বিদূষকের প্রবেশ ।)

বিদূ। (মন্ত্রীর প্রতি) মহাশয়, আপনি অল্পগ্রহ করে এখান থেকে কিঞ্চিৎ কালের জন্তে প্রস্থান করুন। দেখি, আমি মহারাজের এ মৌনব্রত ভঙ্গ কভো পারি কি না।

মন্ত্রী। যে আজ্ঞা, তবে আমি যাই।

[প্রস্থান ।]

বিদু। (স্বগত) হায়! প্রিয় বয়স্কের এ ছুরবন্দা দেখে আর এক মুহূর্তের জ্ঞেও বাঁচতে ইচ্ছা করে না। হা রে দারুণ বিধি, তোর মনে কি এই ছিল? (চিন্তা করিয়া) প্রিয় বয়স্কের সঙ্গীতে চিরকাল অহুরাগ, আর না হবেই বা কেন? ঋতুরাজ বসন্তই কোকিলকে সমাদর করেন। এই জ্ঞে আমি রাজমহিবীর কয়েক জন সুগায়িকা সহচরীকে এখানে এনেচি। দেখি, এদের সুস্বরে প্রিয় বয়স্কের চিত্তবিনোদ হয় কি না? (নেপথ্যাভিমুখে জনাস্তিকে) কেমন নিপুণিকে, তোমরা সকলে ত প্রস্তুত হয়েছো? (কর্ণ দিয়া) ভাল! তবে আরম্ভ কর দেখি?

নেপথ্যে। (বহুবিধ যন্ত্রের মুহূর্ণনি।)

বিদু। (নেপথ্যাভিমুখে জনাস্তিকে) আহা! কি মনোহর ধ্বনি!
তা এখন একটা উত্তম গান গাও দেখি?

নেপথ্যে। (গীত)

[বারোঙা—ঠুংরী।]

পীরিতি পরম রতন।

বিরহে পারে কি কভু হরিতে সে ধন।

কমলে কণ্ঠধাকে, তবু ভাল বাসে লোকে,

কে ত্যজ্ঞে বিচ্ছেদ দেখে, প্রেম আকিঞ্চন।

মিলন বিচ্ছেদ পরে, দ্বিগুণ সুখের তরে,

যথা অমানিশাস্তরে শশীর শোভন ॥

রাজা। (দীর্ঘনিশ্বাস পরিত্যাগ করিয়া) সখে মাগবক—

বিদু। (সহর্ষে) মহারাজের জয় হউক!

রাজা। (গাত্রোত্থান করিয়া) সখে, যে কুসুমকানন দাবানলে দগ্ধ হয়ে গেছে, তাতে জলসেচন করা বৃথা পরিশ্রম বৈ ত নয়।

বিদু। বয়স্ক, বিধাতা না করেন যে এমন সুকুসুম-কাননে দাবানল প্রবেশ করে।

রাজা। সে যা হোক, সখে, তুমি আমাকে চিরবাধিত কল্যে। দেখ, আগ্নেয়গিরির উপরে মেঘদল বারিবর্ষণ কল্যে যতপিও তার অন্তরিত হতাশন নির্বাণ না হয়, তত্রাত তার অঙ্গের জ্বালার অনেক হ্রাস হয়। তুমি আমার মনোরঞ্জনের নিমিত্তে কি না কচ্যো ?

বিদু। বয়স্ক, সাগর উথলিত হলে যে কত জীবের জীবন সংশয় হয়, তা কি আপনি জানান না ? তা আপনি একটু স্থস্থির হলে আমরা সকলেই পরম সুখলাভ করি।

রাজা। (দীর্ঘনিশ্বাস পরিত্যাগ করিয়া) সখে, এমন প্রবল ঝড় বইতে আরম্ভ কল্যে কি সাগর স্থির হয়ে থাকতে পারে ? দেখ, যে শোকশেলে দেবদেব মহাদেব, এবং স্বয়ং বিষ্ণু-অবতার রঘুপতিও ব্যথিত হয়েছিলেন, তার প্রচণ্ড আঘাতে আমি অতি ক্ষুদ্র মানব কি প্রকারে স্থির হতে পারি ? (চিন্তা ও দীর্ঘনিশ্বাস পরিত্যাগ করিয়া) হে বিধাতঃ ! তোমার কি কিছুমাত্র বিবেচনা নাই ? যে হলাহল স্বয়ং নীলকণ্ঠের দেহ দাহন করেছিল, তাই তুমি আমাকে পান করালে ?

বিদু। (স্বগত) আহা ! প্রিয় বয়স্কের খেদোক্তি শুনলে বুক ফেটে যায় ! হায় রে নির্ভুর বিধি ! তোর মনে কি এই ছিল ?

রাজা। কি আশ্চর্য্য ! সখে, এ সুবর্ণলতাটি যে আমার হৃদয়তুমি থেকে কোন্ নিশাচর চুরি করে নিয়ে গেলো, এ সংবাদ কি কেউ আমাকে দিতে পারে না ? হে পক্ষিরাজ জটায়ু, তোমার তুল্য পরোপকারী কি বিহঙ্গমকূলে আর এখন কেউ নাই ? হায় ! (মুচ্ছাপ্রাপ্তি ।)

বিদু। কি সর্বনাশ ! কি সর্বনাশ ! (উচ্চস্বরে) ওরে এখানে কে আছিস্ রে ? একবার শীঘ্র করে এ দিকে আয় তো।

(বেগে মন্ত্রীর পুনঃপ্রবেশ ।)

মন্ত্রী। এ কি ?

বিদু। মহাশয়, আর কি বলবো ? এই চক্ষে দেখুন।

মন্ত্রী। (সজ্জল নয়নে) হে রাজকুলশেখর, এই কি তোমার উপযুক্ত শয্যা! আৰ্য্য মাণবক, এ কি আশ্চর্য্য ব্যাপার! প্রজাদলের স্নেহস্বরূপ পরিখায় পরিবেষ্টিত এ রাজনগরে এ দুর্জয় শত্রু কি প্রকারে প্রবেশ কল্যে? হে নরশ্রেষ্ঠ, হে বীরকেশরি, যে অকুল সাগর ভগবতী বসুমতীকে আপন আলিঙ্গনপাশে আবদ্ধ করে রেখেছিলেন, তিনি কি এত দিনে তাঁকে পরিত্যাগ কল্যেন। হায়! হায়! এ কি দুর্বিপাক।

বিদূ। মহাশয়, আসুন, মহারাজকে স্থানান্তরে লয়ে যাওয়া যাক।

মন্ত্রী। যে আজ্ঞা। চলুন।

[উভয়ের রাজাকে লইয়া প্রস্থান।

ইতি চতুর্থাঙ্ক।

পঞ্চমার্গ

প্রথম গর্ভাক

শকাবতারভাস্তরে শচীতীর্থ ।

(শচীর প্রবেশ ।)

শচী । (স্বগত) আমি বসন্তকালে এই তীর্থের নিখল জলে গাত্র
প্রক্ষালন করি, আর এই নিকুঞ্জে যে সকল ফুল ফোটে তা দিয়া কুস্তল
সাজিয়ে দেবেস্ত্রের শয়নমন্দিরে যাই,—এই নিমিত্তেই লোকে এ সরোবরকে
শচীতীর্থ বলে । এই জলে অবগাহন কল্যে বামাকুলের যৌবন চিরস্থায়ী
হয়, আর তাদের অঙ্গের রূপলাবণ্য রসানে মার্জিত হেমকান্তির মতন শতগুণ
বৃদ্ধি হয় । (চতুর্দিক্ অবলোকন) আহা, ঋতুরাজ বসন্তের সমাগমে এ
কাননের কি অপূর্ব শোভাই হয়েছে !

নেপথ্যে ।

(গীত)

[বাহারভৈরবী—৪৭ ।]

মধুর বসন্ত আগমনে,
মধুপ গুঞ্জরে সঘনে,
করি মধুপান সুখে ফুলকাননে ।
কত পিকবরে,
পঞ্চম কুহরে,
মনোহর সে ধ্বনি শ্রবণে ।
উপবন যত,
সৌরভ রসিত,
সতত মলয় সমীরণে ।
সুখের কারণ,
বসন্ত যেমন,

না হেরি এমন ত্রিভুবনে ।

রতিপতি রসে,

মোদিত হরষে,

যুবক যুবতী স্মিলনে ॥

শচী। আমার সহচরী অপ্সরীর ঐ তরুণে সুখে গান কচ্যে। এ মধুকালে কার মন আনন্দ-সাগরে মগ্ন না হয় ? (পরিভ্রমণ করিয়া) সে যা হোক, এত দিনের পর ছুঁই ইন্দ্রনীল সর্বপ্রকারেই সমুচিত দণ্ড পেলে। কি আছাদের বিষয় ! কয়েক মাস হলো আমি কলিদেবের সহকারে তার মহিষী পদ্মাবতীকে রাজপুরী হতে অপহরণ কর্যে বনবাস দিয়েছি। এখন ইন্দ্রনীল কান্তার বিরহে শোকার্ত হয়ে আপন রাজ্য পরিত্যাগ করেছে, আর উদাসভাবে দেশদেশান্তর ভ্রমণ কচ্যে। (সরোষে) আঃ পাষণ্ড দুরাচার ! তুই শৃগাল হয়ে সিংহীর সঙ্গে বিবাদ করিসু। তা তুই এখন আপন কুকর্মের ফল বিলক্ষণ কর্যে ভোগ করু। তাকে আর এখন কে রক্ষা করবে ?

(পুষ্পপাত্র-হস্তে রজ্জ্বার প্রবেশ ।)

রজ্জ্বা। দেবি, এই মালা ছড়াটা একবার গলায় দেন দেখি ?

শচী। কৈ ? দে দেখি। (পুষ্পমালা গ্রহণ করিয়া) বাঃ ! বেশ গেঁথেহিসু। তা তোর এত বিলম্ব হলো কেন ?

রজ্জ্বা। (সহাস্ত বদনে) দেবি, আজ যে আমি কত শত শত্রুকে সমরে হারিয়ে এসেছি, তা শুনলে আপনি অবাক হবেন।

শচী। সে কি লো ?

রজ্জ্বা। (সহাস্ত বদনে) যখন আমি এই সকল ফুল তুলতে আরম্ভ কল্যেম, তখন যে কত অলি সরোষে এসে আমার চার দিকে গুনগুন কত্যা লাগলো, তা আর আপনাকে কি বলবো। ছুঁই দৈত্যকুল এইরূপেই শংখধ্বনি কর্যে স্বর্গপুরী ঘেরে।

শচী। (সহাস্ত বদনে) তা তুই কি করলি ?

রম্ভা। আর কি করবো ? আমি তখন আমার একাবলীর ঐচল নেড়ে এমন পবনবাণ ছাড়লেম, যে বীরবরেরা সকলেই যুদ্ধে বিমুখ হয়ে বেগে পালালেন।

(ক্রন্দন করিতে করিতে মুরজার প্রবেশ।)

শচী। (ব্যগ্রভাবে) সখি, যক্ষেশ্বর, এ কি ?

মুর। শচী দেবি, তুমিই আমার সর্বনাশ করেছো !

শচী। কেন ? কেন ? কি করেছি ?

মুর। আর কি না করেছো ? (রোদন) হায় ! হায় ! বাছা ! আমি কি পৃথিবীর মতন নির্ভূর হয়ে যাকে গর্ভে ধরেছিলেম তাকেই আবার গ্রাস কলেম। আমি কি সিংহী আর বাঘিনী অপেক্ষাও মমতাহীন হলেম। হে বিধাতঃ, এ কি তোমার সামান্য লীলালেখা ! (রোদন) হায় ! এমন কৰ্ম্ম মা হয়ে কে কৈথায় করেছে ? (রোদন।)

শচী। সখি, ব্রহ্মাস্ত্রটা কি তা তুমি আমাকে ভাল করেই বল না কেন ?

মুর। সখি, আর বলবো কি ? ইস্ক্রনৌলের মহিষী পদ্মাবতীই আমার বিজয়া। (রোদন।)

শচী। বল কি ? তা এ কথা তোমাকে কে বললে ?

মুর। আর কে বলবে ? স্বয়ং ভগবতী বসুমতীই বলেছেন। (রোদন।)

শচী। সখি, তুমি না কেঁদে বরং এ সকল কথা আমাকে খুলে বল। ভাল, যদি পদ্মাবতীই তোমার বিজয়া হবে, তবে মাহেশ্বরীপুরীর রাজা যজ্ঞসেন তাকে কোথথেকে পেলেন ?

মুর। (দীর্ঘনিশ্বাস পরিত্যাগ করিয়া) ভগবতী বসুমতী বিজয়াকে প্রসব কর্যে শ্রীপর্বতের উপর কমলকাননে রেখেছিলেন, পরে রাজা যজ্ঞসেন ঐ স্থলে মৃগয়া কভ্যে গিয়ে, তাকে পেয়ে আপনার পাটেশ্বরীর

হাতে লালন পালনের জন্তে দিয়েছিল। হায়! হায়! বাছা, চিত্রকূট-পর্বতের উপর তোমার চন্দ্রানন দেখে আমার স্তনদ্বয় ছুঁকে পরিপূর্ণ হয়েছিল, তা আমি তোমাকে তাতেও চিন্লেম না? (রোদন।)

শচী। সখি, তুমি শাস্ত হও।

আকাশে। (বীণাধ্বনি।)

শচী। এ কি? (আকাশমার্গে দৃষ্টিপাত করিয়া) এই যে দেবর্ষি নারদ এই দিকে আসছেন। সখি, তুমি সাবধান হও, এই ধূর্ত ব্রাহ্মণই এ বিপদের মূল; দেখো—ও যেন আবার কন্দল বাধাতে না পারে।

(নারদের প্রবেশ।)

উভয়ে। ভগবন, আমরা আপনাকে অভিবাদন করি।

নার। আপনাদের কল্যাণ হউক।

শচী। দেবর্ষি, সংবাদ কি? আজ্ঞা করুন দেখি?

নার। দেবি, সকলই সুসংবাদ। ভগবতী পার্শ্বতী আমাকে অত্র আপনাদের সমীপে প্রেরণ করেছেন।

শচী। কেন? ভগবতীর কি আজ্ঞা?

নার। তিনি শুনেছেন যে আপনারা নাকি বিদর্ভনগরের রাজা পরম শিবভক্ত ইন্দ্রনীল রায়কে কলিদেবের সাহায্যে নানা ক্লেশ দিতে প্রবৃত্ত হয়েছেন।—

শচী। ভগবন, তা ভগবতী পার্শ্বতীকে এ কথা কে বললে?

নার। ভগবতী এ কথা রতি দেবীর মুখেই শ্রবণ করেছেন।

শচী। (স্বগত) কি সর্বনাশ! এ ছুঁটা রতির কি কিছুমাত্র লজ্জা নাই? এমন কথাও কি মহেশ্বরীর কর্ণগোচর করা উচিত? (প্রকাশে) দেবর্ষি, তা ভগবতী এ কথা শুনে কি আদেশ করেছেন?

নার। ভগবতীর এই ইচ্ছা যে আপনারা এ বিষয়ে ক্ষান্ত হয়েন।

শচী। ভাল, তা যেন হলেম। কিন্তু এখন পদ্মাবতীই বা কোথায়, আর ইন্দ্রনীলই বা কোথায়—তা কে জানে ?

নার। (সহাস্য বদনে) তন্নিমিত্তে আপনি চিন্তিত হবেন না। রাজমহিষী পদ্মাবতী এক্ষণে তমসা নদীতীরে মহর্ষি অঙ্গিরার আশ্রমে বাস কচ্চেন।

শচী। (স্বগত) হায়! আমার এত পরিশ্রম কি তবে বৃথা হলো? আর অবশেষে রতিই জিতলে! তা করি কি? ভগবতী গিরিজার আঞ্জা উল্লঙ্ঘন করা কার সাধ্য। শ্রোতস্বতীর পথ রুদ্ধ কত্বে কে পারে?

নার। আমি মহাদেবীর আঞ্জানুসারে যতীন্দ্র অঙ্গিরার আশ্রমে গমন কত্বে আকাঙ্ক্ষা করি, অতএব আপনারা আমাকে এক্ষণে বিদায় করুন।

মুর। ভগবন, আপনি আমাকে সেখানে সঙ্গে লয়ে চলুন।

শচী। চলুন, আমিও আপনারদের সঙ্গে যাই। (রম্ভার প্রতি) রম্ভা, তুই এখন অমরাবতীতে যা। আমি একবার যোগিবর অঙ্গিরার আশ্রম থেকে আসি।

রম্ভা। যে আঞ্জা।

[নারদ, শচী এবং মুরজীব প্রস্থান।

আমি আর এখানে একলা থেকে কি করবো? যাই, দেখিগে নন্দনকাননে এখন কি হচে।

[প্রস্থান।

দ্বিতীয় গর্ভাঙ্ক

তমসা নদীতীরে মহর্ষি অঙ্গিরার আশ্রম।

(পদ্মাবতী এবং গৌতমীর প্রবেশ।)

গৌত। বৎসে, তুমি এত অধীরা হইও না! তোমার প্রাণেশ্বর অতি স্বরায়ই তোমার নিকটে আসবেন, তার কোন সন্দেহ নাই। ভগবান্

অঙ্গিরা তোমার এ প্রতিকূল দৈব শাস্তির নিমিত্তে এক মহাযজ্ঞ আরম্ভ করেছেন।—

পদ্মা। ভগবতি, আমি কি সে স্ত্রীচরণের আর এ জন্মে দর্শন পাব।
(রোদন।)

গৌত। বৎসে, তুমি শাস্ত হও, মহাবির যজ্ঞ কখনই নিষ্ফল হবার নয়।

পদ্মা। ভগবতি, আপনি যা আশ্রা কচোন সে সকলই সত্য, কিন্তু আমি এ নিৰ্বোধ প্রাণকে কেমন করে প্রবোধ দি। হায়! এ কি আর এখন কোন কথা মানে? (রোদন।)

গৌত। বৎসে, বিবেচনা করে দেখ, এ অখিল ব্রহ্মাণ্ডে কোন বস্তুই চিরকাল স্ত্রীভ্রষ্ট হয়ে থাকে না। বর্ষার সমাগমে জলহীনা নদী জলবতী হয়,—ঋতুরাজ বসন্ত বিরাজমান হলে লতাকুল মুকুলিতা ও ফলবতী হয়,—কৃষ্ণপক্ষে শশীর মনোরম কাহ্নি হ্রাস হয় বটে, কিন্তু আবার শুক্লপক্ষে তার পূরণ হয়,—তা তোমারও এ যাতনা অতি শীঘ্রই দূর হবে।

নেপথ্যে। ভো শাস্ত্রবর, ভগবতী গৌতমী কোথায় হে! দেখ, ছুই জন অতিথি এসে এ আশ্রমে উপস্থিত হয়েছে, অতএব তাদের যথাবিধি আতিথ্য কর।

গৌত। বৎসে, এক্ষণে আমি বিদায় হলেম। তুমি এই তরুর ছায়ায় কিষ্কিৎকালের নিমিত্তে বিশ্রাম কর। দেখ! ভগবতী তমসার নিৰ্মল সলিলে কমলিনী কি অনির্লচনীয়া শোভাই ধারণ কর্যা বিকশিত হয়েছে, তা তোমার বিরহ-রজনীও প্রায় অবসান হয়ে এলো।

[প্রস্থান।]

পদ্মা। (স্বগত) প্রাণেশ্বর যে সংগ্রামে বিজয়ী হয়েছেন তার আর কোন সন্দেহ নাই, কিন্তু এ হতভাগিনীকে কি আর তাঁর মনে আছে? (দীর্ঘনিশ্বাস পরিত্যাগ করিয়া) হে বিধাতঃ! আমি পূর্বজন্মে এমন কি পাপ করেছিলেম যে তুমি আমাকে এত দুঃখ দিলে। তুমি আমাকে বাহেধনন্দিনী, রাজেন্দ্রগৃহিণী করেও আবার অনাথা যুথভ্রষ্টা কুরঙ্গিণীর মতন বনে বনে ফেরালে। (রোদন।)

নেপথ্যে । প্রিয়সখি, কৈ, তুমি কোথায় ?

পদ্মা । (নেপথ্যাভিমুখে দৃষ্টিপাত করিয়া) কেন ? এই যে আমি এখানেই আছি ।

(বেগে সখীর প্রবেশ ।)

সখী । প্রিয়সখি—(রোদন ।)

পদ্মা । (ব্যগ্রভাবে সখীকে আলিঙ্গন করিয়া) এ কি ? কেন ? কেন সখি, কি হয়েছে ?

সখী । (নিরুত্তরে রোদন !)

পদ্মা । সখি, কি হয়েছে তা তুমি আমাকে শীঘ্র করে বল ?

সখী । প্রিয়সখি, মহারাজ আর্ঘ্য মাণবকের সঙ্গে এই আশ্রমে এসে উপস্থিত হয়েছেন ।

পদ্মা । (অভিমান সহকারে) সখি, তুমিও কি আবার আমার সঙ্গে চাতুরী কত্যা আরম্ভ করলে ?

সখী । সে কি ? প্রিয়সখি, আমি কি তা কখন পারি ? ঐ দেখ, ভগবতী গৌতমী মহারাজ আর আর্ঘ্য মাণবককে লয়ে এদিকে ? মূচেন । কেমন, আমি সত্য না মিথ্যা বলেছি ? (নেপথ্যাভিমুখে অবলোকন করিয়া) আহা ! মহারাজের মুখগানি দেখলে, বোধ হয়, যে উনি তোমার বিরহে অতি দুঃখে কালযাপন করেছেন ।

পদ্মা । (নেপথ্যাভিমুখে অবলোকন করিয়া) কি আশ্চর্য্য ! সখি, তাই ত । বিধাতা কি তবে এত দিনের পর আমার প্রাতি যথার্থই অনুকূল হলেন । (রাজার প্রাতি লক্ষ্য করিয়া) হে জীবিতেশ্বর, আপনার কি এত দিনের পর এ হতভাগিনী বেলো মনে পড়লো ? (রোদন ।)

সখী । প্রিয়সখি, চল, আমরা ঐ বৃক্ষবাটিকায় গিয়ে দাঁড়াই । মহারাজকে তোমার সহসা দর্শন দেওয়া উচিত হয় না ।

[উভয়ের প্রস্থান ।

(রাজা ও বিদূষকের সহিত গৌতমীর পুনঃপ্রবেশ ।)

গৌত । হে নরেশ্বর, তার পর কি হলো ?

রাজা । ভগবতি, তার পর আমি রাজমহিষীর কোনই অঘেষণ না পেয়ে যে কি পর্য্যন্ত ব্যাকুল হলেম, তা আর আপনাকে কি বল্বে। আর এ দুক্লহ শোকানল সহ্য কত্বে অক্ষম হয়ে, রাজমন্ত্রীর উপর রাজ্যভার অর্পণ করে, এই আমার চিরপ্রিয় বয়স্কের সহিত তীর্থ পর্য্যটনে যাত্রা কল্যেম।

গৌত । হে নরনাথ, আপনি এ বিষয়ে আর উদ্ভিগ্ন হবেন না। রাজমহিষী এই আশ্রমেই আছেন। মহর্ষি অঙ্গিরা তাঁকে আপন ছুহিতার ছায় পরম স্নেহ করেন। আর তাঁর আগমনাবধি বহু যত্নে তাঁর রক্ষণাবেক্ষণ করেছেন।

রাজা । ভগবতি, সে সকল বৃত্তান্ত আমি দেবধি নারদের মুখে বিশেষরূপে শ্রুত আছি। কুলায়ত্রষ্টা পারাবতী আশ্রয়-আশায় কোন বিশাল বৃক্ষের সমীপে গমন কল্যো, তরুণের কি শরণদানে পরাঙ্মুখ হয়ে, তাকে নিরাশ করেন ? ভগবান্ অঙ্গিরা ঋষিকুলের চূড়ামণি, তা তিনি যে একরূপ ব্যবহার করবেন, এ কিছু বড় অসম্ভব নয়।

গৌত । হে পৃথ্বীশ্বর, আপনি এই শিলাতলে ক্ষণেক কাল উপবেশন করুন, আমি গিয়ে রাজমহিষীকে এখানে লয়ে আসি।

রাজা । ভগবতি, আপনার যা আজ্ঞা।

গৌত । আর আপনার এ আশ্রমে শুভাগমনের সংবাদও মহর্ষির নিকট প্রেরণ করা উচিত। অতএব আমি কিঙ্কিৎকালের নিমিত্তে বিদায় হলেম।

[প্রস্থান ।

রাজা । (উপবেশন করিয়া) সখে, যেমন তপনতাপে তাপিত জ্ঞন সূশীতল তরুচ্ছায়া পোলে পূর্ব্বতাপ বিস্মৃত হয়, আমারও আজ অবিকল তাই হলো।

বিদু। আজ্ঞা, তার আর সন্দেহ কি? এত দিনের পর আমাদের ডিঙ্গাখানি ঘাটে এসে লাগলো। কিন্তু এ ঘাটটা আমাকে বড় ভাল লাগছে না।

রাজা। কেন, বল দেখি?

বিদু। বয়স্ক, এ মুনির আশ্রম, এখানে সকলেই হবিষ্য করে; তা আমরাও কি একাহারী হয়ে আবার মারা পড়বো?

রাজা। কেন? তুমি ত আর সন্যাসধর্ম অবলম্বন কর নাই, যে তোমাকে একাহারে থাকতে হবে?

আকাশে। (কোমল বাত।)

রাজা। (গাত্রোথান করিয়া সচকিতে) এ কি? আতা! কি মধুর স্বনি! সখে, আমি যে দিন মাধামুগ্ধেদ অল্পসরণ করে পিঙ্গাচনে দেব-উপবনে উপস্থিত হয়েছিলেম, সে দিনও আকাশে এইরূপ কোমল বাত শুনেছিলাম।

বিদু। (নেপথ্যাভিমুখে অবলোকন করিয়া সত্রাসে) কি সর্বনাশ!

রাজা। কেন? কি হলো?

বিদু। মহারাজ! চলুন, আমরা এখান থেকে পালাই। ঐ দেখুন, এ আশ্রমবনে দাবানল লেগেছে। উঃ! কি ভয়ঙ্কর শিখা!

রাজা। (অবলোকন করিয়া) সখে, ও ত দাবানল নয়।

বিদু। বলেন কি? মহারাজ, ঐ দেখুন, সব গাছপালা একেবারে যেন ধু ধু করে জ্বলে উঠছে।

রাজা। কি হে সখে, তুমি অন্ধ হলে না কি?

বিদু। বয়স্ক, তবে ও কি?

রাজা। ওঁরা সকল দেবকন্যা। তা ওঁরাও অগ্নিশিখার মতন তেজস্বিনী বটেন। (অবলোকন করিয়া সানন্দে) কি আশ্চর্য্য! এই যে শচী দেবী, যক্ষেশ্বরী, আর রতি দেবী আমার প্রেয়সীকে লয়ে এ দিকে আসছেন। হে হৃদয়! তুমি যে এত দিন এ পূর্ণশশীর অদর্শনে বিদীর্ণ হও নাই এই

আশ্চর্য্য ! (অগ্রসর হইয়া) এ দাস আপনাদিগের শ্রীচরণে প্রণাম কচে ।
(প্রণাম ।)

(শচী, মুরজা, রতি, গৌতমী, পদ্মাবতী, সখী, নারদ
এবং অঞ্জিরার প্রবেশ ।)

সকলে । মহারাজের জয় হউক ।

নার । হে মহীপতে, যেমন মহম্মি বাল্মীকির পুণ্যাশ্রমে দাশরথি ভগবতী বৈদেহীকে প্রাপ্ত হন, আপনিও অগ তরুণ মহিষী পদ্মাবতীকে এই স্থলে লাভ কলোন ।

অঞ্জি । হে নরশ্রেষ্ঠ, আপনার বাহুবলে ঋষিকুলের সর্বত্রই কুশল । অতএব আপনি পুরস্কারস্বরূপ এই স্বীরত্নটি গ্রহণ করুন ।

শচী । (রাজার হস্তে পদ্মাবতীর হস্ত প্রদান করিয়া) হে নরনাথ, আপনি অতীবমি নিঃশঙ্কচিত্তে রাজসুখভোগে প্রবৃত্ত হউন ।

আকাশে । গীত ।

[বেহাড়া—পোস্তা ।]

সুমতি ভূপতি অতি, তুমি ওহে মহারাজ ।

সুখে থাক ধনে মানে, নিপুণে দিয়ে লাজ ।

পাইলে হারা নিধি, প্রিয়তমা পুনরায়,

বাসনা পূর্ণ হলো, সুখে কর রাজকাজ ।

হয়ে সুবিচারে রত, কর বহু যশোলাভ,

যেমন শোভে ক্ষিতি, তারাপতি দ্বিজরাজ ॥

(পুষ্পবৃষ্টি)

সকলে । রাজমহিষী চিরবিজয়িনী হউন ।

নারদ । (রাজার প্রতি) আমিও আশীষ করি, স্তন নরপতি ।—

সুখে সদা কর বাস অবনী-মণ্ডলে,

পরান্নবি শক্রদলে, মিত্রকূলে পালি,

ধর্মপথগামী যথা ধর্মের নন্দন

পৌরব । চরমে লভ স্বর্গ ধর্মবলে ।

(পদ্মাবতীর প্রতি) যশঃসরে চিররুচি কমলিনীরূপে

শোভ তুমি পদ্মাবতি—রাজেশ্বরনন্দিনি,

যযাতির প্রণয়িনী দৈত্যরাজবালা

শর্মিষ্ঠা যেমতি । তার সহ নাম তব

গাঁথুক গোড়ীয় জন কাব্যরত্নহারে,

মুকুতা সহ মুকুতা গাঁথে লোক যথা ।

(যবনিকা পতন ।)

ইতি পঞ্চমাস্ক ।

গ্রন্থ সমাপ্ত ।